

兩
浙
輶
軒
錄

兩浙輜軒錄卷三十二目

王 焯 皇甫櫨 葉 蓁 吳金蕙 朱方謁

陳菴孝 蔡環黼 章 鉦 張義年 高文照

周心傳 陸 燦 項 豐 孫志祖 孫慰祖

戚蓼生 俞大猷 嚴守田 孫辰東 方 薰

童 堦 陳 基 陳 寅 朱學周 胡 栗

黃 庭 丁 健 丁 傳 吳象乾 徐 堂

周青懷 周嘉穀 李 恒 溫庭鈞 章承茂

胡允文 王樹芳 沈 度 陳景福 趙應鑰

張昌基 朱文鎭 沈紹湘 沈 萌 施 圻

陳世鏞 陳世良 范世琦 朱 喬 蔡 源

岳 潭 孫 基 金耀辰 郭 楨

兩浙輶軒錄卷三十二

督學使者阮元訂

王焯字少閑號碧山嘉興人乾隆丁酉

梅里詩人續輯李富孫曰先生少負奇氣詩亦雄偉強
不肯拾人牙慧與伯氏吳亭先生少生並重藝林先從祖敬
室先生為先生外舅嘗評其詩云碧山詩融貫漢魏三
唐而自具別裁其懷古諸作逼似大樽梅村漢魏諸先
輩九儒賢增後勁年幾強仕始得舉秉鐸不數
年而卒尤精理昔有兩部鼓吹茲器測微等書
南野堂筆記梅里王少閣廣文焯為詩惟輪削鏤穴險
席空大雅之遺目空時輩淮陰釣壇云高城隱枕清
端舊日王孫垂釣境生死英雄皆婦女輸餽事業一綸
筆漢家原廟西風急淮上春祠暮雨發如使東歸當日
送佛老間秋感云遊子年華易蒲柳故人酒肆已山河
尤其詩格之最高華者我鄉自竹垞檢討以來詩人輩
出然近今學檢討詩者不辨其根本節目之所在往往
滿志於風懷閉情等作種販字句兩先生真豪傑之士
輝鼓獨當一面如許晦堂王少閣兩先生真豪傑之士
沛然昌其所不欲言蓋蘄至乎檢討
之詩之大而不務為其纖者耳

哭兄乙書先生

十年餘涕淚萬事負平生白日辭天地黃墟隔弟兄殘枝含
雨泣落雁帶霜鳴夢裡春池在惟深下第情
苦有英雄氣函書寂寞藏愁多輕性命病劇厄文章氣槩由
來少人琴自此亡蕭蕭風雨夕忍見舊聯牀

于忠肅公墓

烈烈英風宰樹寒荒邱零落枕湖干平生血爲憂時碧萬事
心從報國完大計由來工却敵成功畢竟遂回鑾當時早許
忠貞死肯信爲臣良獨難

年時縱未得還轍詎愧精忠報主恩盡掃邊關歸一統親扶
日月到中原萬年偉議排遷國三案元勲笑奪門公是悅安
明社稷不寧配食景陵園

憶袁明經正泉

果

清秋舊雨最淒涼每憶風流淚幾行
勤學我同袁伯業與書君亦蔡中郎
單家門戶無人續老母晨昏有婦孀
北郭西陵窮巷底晚來聞笛甚山陽

和薛魯哉畫龍歌

堂前咫尺雲萬里墨池傾倒蒼龍起
躍出寒光帶飛電翻來墨浪鋪秋水
在昔僧繇工畫龍千年變化丹青中
真龍不愛愛其似四海人情皆葉公
竭來似者愛亦寡薛生獨向風前寫
夜來破壁莫飛騰我欲騎雲九天下

京邸夜話同陸

以誠宋大博李浩馮桂芬張大德張

燕昌

燕臺蕭瑟露華零萬里河山作翰屏
地輔黃圖沙塞白天垂滄海薊門青
合昏花謝偏多雨盡旦禽啼不見星
閒殺防身

一長劍崆峒欲倚路冥冥

街鼓初沈夜未央天開碣石自蒼蒼重簾霧雨呢喃靜四壁
風光蟋蟀涼水國蓴鱸隨夢遠湖田稻蟹入秋香行須稚子
敲針就放鶴洲邊釣晚陽

與陸錡旅話

每憶故園風日好卽須來就故人論雨餘麥浪碧於水溪上
藕花香到門水旱沙田饒稻蟹粉榆酒殘及鷄豚更憐晚飯
彫胡罷飽讀殘書秋樹根

看花

一日看花行數匝未開看到逐枝開商量嫩蕊微寒勒觸忤
繁枝乍暖催黃抱蜜蜂輕霧動翠拖絲雨細香來天邊不有
風光在醉倒誰家百尺臺

丁香花

窗外丁香花欲開
美人春倦幾翻回
須知方丈維摩室
正要曼陀舊雨來

春來蓓蕾乍黏枝
紫玉瓏玲肯倒垂
借問如何勾染得
江南金粉北燕支

去日韶華黯自憐
風光還在薊門前
看花直爲花惆悵
不及當時是少年

客中不記有年華
園樹驚心忽見花
暢好江南不歸去
軟紅三尺走天涯

訪家蘭泉司泉和

紅塵席帽接吟鞭
回首京華十八年
萬里人歸滄海曲
五湖春在白鷗前
經綸日下遙相待
獬豸江南已共傳
賸有漁竿

西湖車馬金 卷三二
欲相訪疎篷雪底放溪船

菜花魚

吾鄉風味首鱗族有以菜花爲名目時當油菜花正開魚亦
滿身花簇簇是種本出松花江松江四腮異其屬錢唐產者
稱土步西子湖頭掛笊籠魚鱗雖細腮亦兩不比吾鄉花氣
馥吾鄉魚本解餐花三月落花滿谿曲噉嚼香水香如油潑
潑花波花似粟水面無風聚復散潭陰引隊遊還伏明珠如
露高點眼細子如萍肥滿腹重脣扶寸雪翻齒豐頤兩面花
映肉已勝越水垂腥涎真似吳淞切香玉越水徵魚使宅空
吳淞縷膾秋江淥何如花滿小長蘆漁翁自向街頭鬻花開
花落魚長有所喜時豐鮓菜熟日斜醉倒菜花溼梅里水名醒來
還把一竿竹

鰻魚

維海有魚名曰鰻題賦曾與刀鱗同順時往還有潮汐沙洲
信報東南風黃金之鱗萬千點夕陽閃射滄溟紅魚尾修纖
魚首巨魷以雙石能飛空截流而取有方法雷聲徹底鳴筠
筒相呼下網洋山下一捕已滿雙烏篷販鮮亟鑿冰冲冲入
市不售俊尤易腐肉糜爛腥聞中苾芻老饕采頤久往往竊
取齋厨供餘作鮑魚曬江滸天陰估客愁溟濛嗚呼是魚成
肆亦堪笑久而聞臭將安容豈知秦用斯高日一石曾經陪
祖龍

謁于忠肅祠

誰言曲逆善籌邊豈似公忠却也先社稷真將孤注失君臣
寶比靖康賢再中昃日千秋事一洗蒙塵萬古天赤手銀河

遺績在論功更欲諫南遷

皇甫楨

字養廷一字竹濤號槐里自號雙溪釣叟桐鄉人乾隆丁酉舉人官孝豐教諭著勸書閣詩集牛鐸

集雙槐里居士
逸文靈犀詞

由元墓入聖恩寺登萬峯高閣望洞庭諸山

亭亭元墓山秀奇冠諸嶺昔賢此遺蛻地僻隔人境紺宇縱
復橫丹梯斜又整梅多香轉無鳥喧林逾靜宴坐萬峯閣佳
處得細領鄧尉前厓巖法華後明靚青芝石噴岬遊龍左馳
騁振衣上上頭具區湧萬頃山嵐與湖波蕩作空際影空翠
滴人裾攬之覺淒冷出寺首重回聞鐘心頓警快哉斯遊最
何年得幽屏息壤盟無忘題名記銅井

寒山訪趙凡夫故居有盤陀空谷化城法螺千尺雪諸

勝

處士高風去不還
斷雲殘照滿寒山
一門偕隱漁樵外
兩世能詩夫婦間
石骨年深青剝蝕
泉聲雨過碧崢嶸
平生我亦耽蕭散
小築何年此放閒

感舊贈楊秀才蘊華

清遠堂中洛誦聲
昔遊陳迹記菰城
對牀聽雨疑前夢
剪燭聯吟恍隔生
無復故人同握手
重逢才子不勝情
回頭二十年過華
髮星星添幾莖

葉

蔡

字履仁號栗垞東陽人乾隆甲辰進士著栗垞詩文集八卷

載毀海日栗垞幼有異稟長益鑽研經史貫串古今爲學使彭雲相先生所賞拔通籍後所期遠大而賞志以碑士林惜之

舟過揚州

自涉瓜洲渡張帆趁逆流
春風連夜發送我過揚州
畫閣多

臨水珠簾半上鉤竹西歌吹路悵絕未停舟

出門

試鐙風裏道途寒臘雪經春尚未殘客路便從鴻外去家山
猶背馬頭看飢來驅我悲元亮熱不因人愧白鸞難忘臨行
慈母語出門辛苦屬加餐

晚風料峭蕤黃昏燈火沿堤過幾村越客淒涼方卧雨吳歌
斷續易銷魂鐘聲虛隱寒山寺橋影斜通被楚門何日蘇臺
楊柳包泥人懷古倒芳樽

吳金蕙

字復清號紉菴嘉興歲貢
生著初菴集步陶吟稿

吳文溥南野堂筆記曰先祖太學生竹軒先生著竹軒
詩鈔正始勿惑他岐尤肆力於樂府晚年專嗜陶靖節
詩手鈔口誦者而補寫隨作隨棄無暇草謹就所
記憶者得十餘篇沐手敬錄用作家範俾子孫誦芬永
慕云爾憶昔歲大慨先君子有富兒飽飯門前看但

道今朝餓死多之句時文薄亦於酒間感賦云臨觴意
倍深卒食心如搗昨有啼飢人朝來路傍倒感激念同
類平生此獨飽實者以爲令人不歡先
君子曰是足爲吾家詩派矣
追和其餘

寄遠

別離歲云暮歡愛苦不早清商寫幽怨手指歷要眇中曲援
琴起將以遺遠道此物雖朽枯時就妾懷抱貞性固不移待
子以終老

西堂蟋蟀鳴草根露微白閨中夜何深歎此遠行客墮戶耿
幽燈揣量動刀尺君身有微瘦君意無今昔欲知手爪痕試
覓鍼線跡君看線縫中萬緒復千結當妾斷鍼處猶帶指頭
血

古風

我有太古琴朽枯含實理著手不知木微妙風在水聞昔蔡

中郎曾訪鬼谷子
溯洄清溪曲
揮弄明月裏
空山畱此心
我心復如此

楊枝吟

楊枝生楊花
墮水爲浮萍
蔽蕩逐波浪
漂泊東南行
復遇風水便因之
回故汀
岸有枯楊枝
相值兩無情
嗟爾乃微物
木根固所輕

胥山翁

童童胥山巔
漠漠山下田
匍匐胥山翁
貧病積歲年
妻子凍餓死
空舍無人烟
揚揚富家僕
船泊胥山邊
入門索逋稅
據案呼杯盤
杯盤竟何辦
尋晉兼老拳
不見堂上官
性急無畱連
持券入公府
火速下吏船
區區汝皮骨
慮不堪笞鞭

與蜀中友人論古聞諸葛廟前柏禿且盡感而有作

劍閣西來路萬盤陰平猶自失巉岼可憐後主全身拙應念
孤臣報國難石棧濃花虛爛漫樓桑古木早摧殘君看丞相
祠堂柏不忍青青傍錦官

偶書

殿中御史下臺端冰雪聰明鐵面寒行部繡衣孤直在還朝
驄馬萬人看要當執法司天憲不作中書伴食官回首曹蜍
九泉下可知廉藺有心肝

卽目書感

漂零雁戶滿郊村就食蒲羸不可論歎惜畫圖無好手西風
愁殺鄭監門

我亦年年乞食頻羹殘炙冷最酸辛呼兒鄭重將杯箸恐有
嗟來却饋人

朱方藹字吉人號春橋桐鄉貢生著春橋

朱文藻曰春橋先生子鴻世官麗水訓導從其家藏遺

稿錄得春橋草堂詩一卷世梅題記一卷為其甥金德

輿所藏刻德與序云夙學工文旁涉繪事乾隆壬午春

翠華南幸以所圖花卉進

御被文綺之

賜遠近榮之晚歲家居每濡墨為梅兄寫照圖成必有題句

因築所作曰畫梅題記以見先生藝事之一斑又小長

蘆漁唱皆所作長短句附以見先生藝事之一斑又小長

春橋陳竹町對鵬兄弟嘉定趙飲谷趙璞菴江都閣玉

樊西秦張漁川溧水吳葑田新安江雲溪皆海內詞家

春橋與之訂僑札之分推襟送抱聯珠唱玉詞安得不

工

南野堂筆記桐鄉朱春橋明經文詩才清妙畫梅花

移居我里之雙窳顏其室曰小山若與錢晨夕過從僕

贈丈詩有桐影初流月琴聲不見人之句每篇成丈

輒嘆贊普汎舟桐溪在金鄂嚴北郭家隔華館中消夏

句日而返鄂嚴好客工詞翰風神玉立所弄金石墨刻

名人手蹟甚富其友樂兄方蘭風神玉立所弄金石墨刻

古體座中尚有遠來名士數人一時風流佳會賓主東

南都不作常語忽忽數年後復來桐溪則文化去處士

病比部貧不能之官僕亦倦遊就衰也因作詩寄比部
及處士云曾共小山與經過就開眠桐華避暑處荷葉
早涼天契濶勞生事風流記往年只今載書應少米
家船蓋悼丈作也丈天性友愛其兄舍叔待罪蜀中數
十年蒙
思救還故里喜而賦詩二首云乍見猶疑魂夢間旋知有
語得生還頓教舉室歡無極回憶當年淚尚潛連夕燈花曾
送喜一朝酒盞共閒筵別時少壯今衰老和愛相悲髮
盡斑同懷別謝幾傷神故里他鄉剩兩人詎意斷鴻仍
作侶可憐枯樹再逢春
九重恩大生難報歷劫身留許自新家計好營田數畝太平
耕種樂天倫一時傳鈔讀者酸鼻此於東坡出獄與子
山相見時光景所著春橋草堂詩
集若干卷王蘭泉先生爲之序

春橋草堂雜吟

樹石清如許軒窗靜有餘閨人同學佛稚子解鈔書即日成
遊賞無心更掃除得閑隨處好萬事一蘧廬

自東洞庭屯灣看梅至攬勝口

春晴隨處吐芳苞複澗迴岡樹欲交人自山南轉山北路從

花底上花梢疎疎瘦影臨湖水漠漠寒雲補石砌卻憶守溪

栖隱日萬株香雪一書巢攬勝石舊傳王文恪公讀書處

爲方蘭士畫扇

江路溪橋雪作堆春來策杖幾徘徊平生慣識荒寒味不畫

官梅畫野梅

北行有感

吳根越角近遊頻又作三千里外身此去不堪回首憶十年

前有倚闌人

漂母祠題壁

一飯相留淮水濱英雄相識在風塵後來知己蕭丞相已是

王孫第二人

東阿道中喜雨作

盡日驅車觸熱忙，忽飛急雨濕行裝。
山空欲裂奔雷響，雲黑還開劃電光。
溝水頻添三尺漲，旅人早卜一宵涼。
江南有此甘霖否？五月農家正插秧。

卞山白雀寺

千株夾道翠陰濃，直到山門不斷松。
初地誦經來白鶴，半天飛雨自黃龍。
雲烟砌戶喧春酒，筍蕨齋厨報午鐘。
放眼五湖空濶處，扶筇更上最高峯。

哭女

硯匣塵封粉蠹殘，花前月下總悲端。
旁人一語聊相慰，只作殊鄉已嫁看。

陳萊孝

字微貞，號誰園，海寧監生，著誰園詩集十卷。

周春傳畧曰：海寧詩派導源於射山，而漸山繼之。至初白爲極盛，誰園私淑初白，心摹手追，論者謂數十年來

詩才敏妙篇章繁富誰固之較初白具體而微其稿亦
與初白相埒他著述甚夥性好古泉取鄱陽舊譜旁叅
正史三通諸書詳加考訂爲鐘官圖經七卷居陝
時哀集碑帖仿歐陽趙拱例爲語石外編二卷

過半江叔惜陰書屋

仙客題詩處秋來幾度經海茶紅爛漫山鳥翠娉婷市遠烟
蘿淨人閒筆墨靈客嘲吾不解安穩卧元亭

吾愛吾宗老風流孰與同政多循吏績交有古人風門對湖

山好家傳倡和工先生原配戴續間奇來往熟渾忘寂寥中

菽乳

三斗寒洶活火攻傾筐喜見玉光融無邊世味酸鹹外有限
交情水乳中論價寧教奴輩等顧名端與我曹同笑他賦閒
腥甌裏肉食何人識此風

種棉曲

海南人家種棉交秋試花花燭天秋收一畝斤二百百斤
價值錢四千丁男色懽婦子喜活計今年粗足矣豈知米價
貴於玉五十斤棉米一斛八口嗷嗷甞寒一家依舊團圓
哭嗚呼枉道種棉勝種禾賣棉買粟能幾多可憐租稅兩莫
辦南鄰相約走別縣

乙巳除夕

蕭蕭雙鬢歲攸徂萬里歸來歎守枯自昔傲人惟舌在年來
立地并錐無送窮篋底添新草獻歲堂前剩舊符兩屋一家
誰最長不辭醉後飲餘酥余與安期弟同居

後粥廠歌

煮粥煮粥日夜忙金聲汨汨烟黃黃三更煮起五更熟窮民
團聚飢成狼強者爭先用武一擔肩來連十戶歸來婦子

尚高眠猶怨天寒要重費半屬閭閻半遊逋亦有匠工雜販
鬻報名十日家五人省却餘錢買魚肉救民有道民養民富
者非富貧非貧富民出粟心憂惕明歲愁無飽粥喫

蔡環補

字潛無號漫叟德清歲貢生官仙居訓導著細萬齋詩鈔一名雨不齋集

過平望

扁舟驚脰潮澎湃接平蕪塵舍密成市方音軟入吳銀魚薦
春網香杓稚秋菰何限江鄉思輕帆悵北徂

舟中望金山

萬古一卷石孤根浩渺間空中有樓榭天下此江山遊興舍
飛動吟情與去還片帆風色勁迢遞阻登攀

題秦淮水榭

兩岸雕甍對綺寮碧波容裔鏡光搖重簾夜月新絃索垂柳

輕風舊板橋金粉在時憐北里煙花終古惜南朝蘭舟葉葉
臨窗駐一種佳遊喜共邀

童

鉦字二如號二樹又號撲巖

紹興府志鉦廢舉業專攻詩與劉鳴玉陳芝圖號越中
三子皆往西巫月中行得一詩結一結記之比曉已二
十四結矣客河南修一省三十六縣志條例謹嚴人多
稱之喜購秦權漢布法書名畫畫蘭竹水石皆工尤喜
畫梅有高氏九棺未葬揮十紙與之電夢立辦幼善病
夢道士招之去屢却之及寢疾揚州又夢之各有贈詩
醒僧記錄疾亟畫梅題詩求
杭州袁枚序其集未成而絕
越風童二樹畧歲即受知於太守顧某下筆千言立就
兼工畫梅善隸草書名滿大江南北豐邑令盧綱齋愛
其詩為刻詩畧摘句

隨園詩話上虞陳少亭愛童二樹五言為摘句圖仿阮

亭之摘施愚山也余尤喜其早墮山際重春霧水邊多

看花蜂立帽問水鷺隨人暗流鳴斷壑山影卧空田數

聯鄭板橋愛徐青藤詩嘗刻一印云徐青藤門下走

狗鄭變童二樹亦重青藤題青藤小像云抵死目中無

七子豈知身後得中郎又曰尚有一燈傳鄭變甘心走

二

紫環齋童鉦

二

狗列門牆二樹名鉅山陰詩人幼時女史徐昭華抱
置膝上為梳髻課詩及長少所許可獨於隨園詩於寵
太過奈從未謀面今春在揚州特渡江見訪適余遊天
台相左嗣後寄聲欲到秋間再來童已歿矣聞其臨
止之旋為他事滯留到揚時則童已歿矣聞其臨
終時旋為他事滯留到揚時則童已歿矣聞其臨
到處推袁知君雅抱千秋鑑時來訪戴恨我偏遲十日
期童病中夢二叟自稱紫閣真人浮白老人手牽鶴使
騎童辭衣裝未脩真人曉以詩曰昔從赤身來今從赤
身去一絲且莫挂何論麻衣絮不若五銖衣隨風白高
舉童答云多謝羣真招我歸殷勤持贈五銖衣隨風白
鶴吾真願要傍先人龍上飛吟畢求寬期紫閣真八立
二指示之果越二十日而卒二樹臨終滿床堆詩稿
尺許殷殷作序外錄其全稿而加一序余感其意為編
定十二卷隔山移議閉緣河水過峰健負花歸山迎雲
隨棹轉隔山移議閉緣河水過峰健負花歸山迎雲
平過天空月直來觀潮云一氣自開闊眾星相動搖
落云無煩霜重澈石所恨不關風七言如秋聲如雨不知
處月落帶霜重澈石所恨不關風七言如秋聲如雨不知
鳴客感每從孤館集人風梅落紙畫猶濕松雪撲簌花
雨簾影暗通竹馬煙集老懷常覺暮秋多茶聲響雜花
生花猶解媚開如笑水不忘情去有聲皆可傳也
樹畫梅題七古一篇登鬚字韻八十餘首神工鬼斧愈
出愈奇余雅不喜登韻而見此詩不覺歎絕易費時令

兒扶起畫梅贈我梅成題詩三句而氣絕矣余癡
黃作跋傳子孫以表不識面之交情拳拳如此
沐雲詩話饒客不必識王孫第一飯能輕與斯風便足

尊偶然詩話二樹屢應童子試不利遂棄舉業專攻詩古

文客大梁最久性豪俠不為家計賣文錢隨手散盡卒

於邪江嘗於暑月畫梅一幅題其上云十丈炎威十丈

塵毫端猶見雪情神莫嫌拂袖多寒氣我人間避熱

人蓋自道其衷非獨為梅花寫照也又有關山牛馬走

風雨螭蛸鳴之句為人所贈炙二樹亦自愛之與同郡劉

文蔚沈翼天姚大源劉鳴玉茅逸

陳芝園結社聯吟稱越中七子

悟門詩話童山人二樹鍾古木畱殘雪寒鴉守夕陽妙

處在一守字竹虛三徑月荷老一池星妙處在一老字

凡題畫詩必詩優於畫則畫纔能生色若詩不工畫反

為所汚二樹善畫梅畫成輒題一詩詩亦佳妙故有萬

樹梅花萬首詩

之句可稱二絕

碧簪詩話二樹山人詩簡今所見者乃會稽上舍徐應

辰家藏本凡八本皆手鈔分體詩又雪香齋餘稿刻本

一册皆登續七古四十二首即隨園所稱疊韻字韻愈

出愈奇者也其隨園手定之十二卷及越風所稱摘句

翁驅一牛負梅花相授且曰好種子勿負也越日乃生

特不識翁翁為誰後讀鄭元祐題元章墨梅詩有畱得
 翁翁醉時筆歲寒仍舊發枯槎句始知煮石山農固髯
 翁也幼字二如故蔣心餘太史和鬚字韻有云一樹梅
 花一二如真手不壞悔不枯生平畫梅極多題畫七絕
 詩中一首云寫梅只合號梅癡長為梅花過六時記得
 甲申元日集三千三百十三詩可以見其樂矣先王戊戌
 好藏書題所居曰借菴并自識云予幼即聚書王戊戌遭
 兩大人之難棘人焚焚未暇及此盡為肱董所有兩年
 又聚數千卷以先大父官事賢典庫復為豪家奪去自
 丁卯至壬申六年竭心力購之且以內人所賸一婢雙
 植易之幾逾萬卷其間一借於趙秀才古餘一借於徐
 孝廉乾一而殘缺過半云云亦可見寒士蓄書之不易
 此如

得舍弟書

昨接殘冬札開緘寢滿巾聞渠寒至此使我愧為人茅屋秋
 風圻荒田苦雨溷年來生計惡何以慰亡親

西興

初夢落江聲先經第一程關山牛馬走風雨蟬蛄鳴出世復

入世逃名亦近名明朝吳市客頻問閭閻城

茅店曉起

風雨忽驚起不知天已明霜高寒月影江凍縮潮聲繞樹鳥
三匝依人馬一鳴誰憐衰草苦猶戀道旁生

讀漂母傳

一飯能輕與斯風便足尊偶然憐餓客不必識王孫舉世還
相薄何人可共論從來真國士背屑受人恩

自題畫冊

縛竹編橋自一村幾間茆

同茅

屋浸雲根此中便與塵凡隔只

許荷花開到門

重過逍遙堂呈思餘太守

出門不跬步舉目皆朋友豈乏綢繆思所感同儕偶投我以

兼金報之以瓊玖瓊玖誠可爲知音實希有昔登逍遙堂使
君遇我厚讀我孤中詩相賞不在口昨朝踐舊盟十日快聚
首朔風從何來寒威逼窗牖羅羅塔前花脉脉等枯朽我遊
幸及時不落春風後紛紛六出飛從空極粉糝爭和禁體詩
白戰敵雙肘怡情永朝夕不在飲春酒一字糾繆譌忻然互
低首領略絃外音心心兩相叩如鹽著水中其味飲者受溯
自出門初閱歲已三九縱橫藝苑場譽我耆某某直言苟不
聞老矣竟衰醜拂拭朱絃琴爲君請再扣

懷漸弟

朝焉得一書暮焉得一詩朝夕豈不樂惻惻心轉悲有弟隔
千里誰還賞我奇長吟復朗誦佳處知者誰出門四顧望芳
草連天陞原野何隰隰河水何瀾瀾水行自有楫陸行自有

騎不載我弟返安用車船爲獨立蒼茫中高詠非所宜歸來
掩卷泣風雨終宵吹

茅屋

茅屋綴荒苔經年未剪葺多謝連日陰添我好春色漏痕縱
復橫晨光翠猶滴蚯蚓入我牀蜻蛉吟我室人言陋不堪我
自適我適不見土窟人陶陶樂終夕

夏日雜興

託身在化日日日歡有餘老樹交清陰葉葉羅庭除地淨不
生暑涼風來亦徐魚鳥適人意各各行自如偶然聞酒香荷
氣相與俱但識安居樂不必黃與虞試問黃虞時有此醅醪
無

題史閣部遺像并家書

自古收國運必有終局人嗟哉史閣部勝國稱孤臣趙承殊
側媚鞠躬何苦辛宮府積猜忌鎮帥費調馴支撐半壁天何
啻睢陽巡揮戈誓必死捐軀江淮濱招魂梅花嶺空塚難爲
春大抵忠孝氣則若星日陳鵬夷怒未洩精衛海可塵一卷
鐵函史古井難沈淪況此蓑宏血流碧垂遺真鉛山蔣太史
珥筆侍

楓宸蒐羅金匱遺要使陳編新偶然感清夢忽得燕市珍奇
顏儼喬嶽風骨爭嶙峋家書百二字字字悽心神想當圍城
中腸斷言諄諄決斷勉賢婦苦惱託慈親嬌兒不復顧忠孝
兩得伸細核殉節時相去不半句我亦癖金石覽古時吟呻
平原告身帖手跡常不泯歐陽得遺像付託良有因

聖朝大寬典所重在彝倫願公勤記載大雅相扶輪晴窗肅

展卷正氣流衿袖焚香蟠螭鼎烟起成龍鱗倏聞風雨過蕭
颯來秋旻

五人墓

直道行吾是危機中爾身自能成節俠不必在經綸只此二
三子居然千萬人要離墳近處抔土亦嶙峋

小吳軒

極望夫差國斜陽幾點煙沼吳今已矣平楚正蒼然僧卧浮
雲頂人歸飛鳥邊五湖何處是渺渺大夫船

客夜讀晉書殷浩傳至引愼子家富則疎族聚家貧則
兄弟離語潸然淚下續成一律

古語堪腸斷家貧兄弟離常因風雨夜倍憶少年時一自驚
家難相將哭路岐尺縉空自好斗粟有餘思

雨中行蔓蘿山

一簇清音裏笙歌遠翠霞山田千疊水春雨百重花鑿窟譏
良兒將雛羨老鴉平生誓墓意泉路定咨嗟

先人墓在山麓

晚歸戴家臨

四山青不到一水綠如何中有滄浪曲時隨欵乃歌斷橋人
影遠老樹夕陽多網得鮮鱗美漁郎日再過

春雨中自南塘歸

山好春俱好風微雨亦微野花含子放林鳥帶雛飛竹簩小
裁笠薜蘿輕稱衣不愁泥路滑魚艇約同歸

同積峯話別

又被烟霞笑空餘薜荔緣故交多老矣此別倍酸然燭淚消
清夜琴心憶往年爲君重鼓曲絕壑瀉流泉

梅雨不已

中夏鮮清賞深居絕素歡竹新雲影薄梅熟雨聲酸只可息
樵斧相將橫釣竿曾聞漁父道一溯五湖寬

埽有遠行由耶溪至西興

辛苦門前水年年載客西青山一相送烏鳥幾回啼歸計知
難準鄉音聽漸迷來宵如有夢應戀若耶溪

春遊

適有春遊興天教送快晴立花蜂竝翅逐絮燕同聲酒具連
茶具山程兼水程貪聽松吹好且向月中行

春郊

雨霽草新綠軟鋪還勝茵探花蜂立帽間水鷺隨人野飯從
漁父村醅出比鄰不知江月上酣臥一蓑春

春暮苦雨

霽霽風悄然疑雨復疑烟倚樹燕無語惜花蜂可憐蹉跎婪
尾酒孤負杖頭錢只好觀新漲南湖一放船

秋夜苦吟達旦

空牀先得月四壁不勝秋警露鶴孤立避風螢暗投一生安
朴陋五字極雕搜莫負青天夜長歌到白頭

秋夜湖上覓句

風月自清夜苦吟隨杖藜螢黏殘葉墮鵝換別枝栖偶得移
情處狂來信手題詰朝傳好事唱福鏡湖西

幽居卽事

徑却喚童掃門非爲客開乞花和雨種移竹帶雲來嫩綠浮
茶碗新黃上酒杯偶然逢二仲欸欸坐莓苔

舟泛南塘

獨乘湖艇好一泊綠楊津林響忽傳雨山濃欲着人驚窺花
外網魚戲鏡中春囊笠真瀟灑容當託此身

小飲

小飲適成醉胸懷時快然老方遊物外憂不到尊前珍重此
佳日蹉跎非少年偏懷舊時客幾箇醉壚邊

到家

到家如客至鷄犬亦相驚有婦疾趨避呼兒問姓名過牆來
近局動屋簷惟懼聲忽憶別離日懷然感此生

曉霧

只此氤氲氣盈盈春水間過橋方識路到岸竟無山何處漁
人語常聞白鳥還詰朝花事好一倍憶柴關

客中重九

不山不水亦東籬無雨無風正好時
白髮又逢重九節黃花須插兩三枝
非因作客偏期醉却爲懷人細詠詩
轉笑去年鈴閣上金樽銀燭影離離

得舍弟書

囊空休問買山貲老屋三間尚可支
此去但憑鷗作社日歸且指雁爲期
叢叢蘭菊隨鄰乞本本溪山入畫移
縛把黃茅聊補隙打頭風月總相宜

過陸四白齋悟言室題贈

碑洞經房似石渠多君親手訂三餘
捨身峯頂搜殘碣減食糲中買僻書
奇字須探揚子後古文要返伏生初
老來最切歐陽癖乞向叢鈔作蠹魚

訪李南陔

何不相隨共結鄰如君纔是素心人
許梅入夢還邀月與竹爲朋不管春
貧後轉教顏色好老來倍覺弟兄親
無端聽唱黃鸝曲每到南村一愴神

過從姪湖上草堂題壁

纔出偏門四望閒鬱葱佳氣接蓬萊
湖雲挾雨當窗過春水浮天上樹來
近市魚蝦常易得比鄰鸛鴨總無猜
扁舟經日隨緣住不避風濤不放回

跨湖橋同友人晚望

纔到湖橋便渺然晚風吹上簷篷船
斜陽樹老丹青嶺小雨雲低水墨天
鳥却爲誰頭早禿驚真如我足空牽
漫言賀陸吟魂遠只在蘋香漠漠邊

集居已久適山僧有看菊之招先寄石儔

山巷塵稀斷客踪兼旬高捲碧簾櫳過雲風急雨餘雨落木
秋添峯外峯生乏可傳何論士老無別緒只思農詰朝正有
山僧約又爲黃花一試筇

秋夜檢得潮弟書感寄

高卧空齋歲漸湮幾經搖落獨傷神秋聲如雨不知處落月
似霜還照人一尺魚書遙念子十分蟲語最含辛可憐海角
羈棲夜時弟客海陽定爾詩成淚滿巾

秋晚由沛至豐車中書所見時經和菴家不得過訪悵
然憶之

沿堤路白映明沙拂面風輕碾犢車秋樹夕陽鴉作葉白牆
寒雨土成花非關北郭長耽隱却爲南村又徙家時將攜沛上忽

憶故人鷄黍地不禁涼思滿蒹葭

嫁吳氏女

妓好曾誇白皙姿慰情長是勝無時不知耳耳聞誰歎猶憶
啞啞誦我詩但有梅花藏畫篋竝無黃犬作奩貲爾翁似我
憐尤甚女翁爲吳君鳳翁
予少同學好友珍重羹湯手自持

春雨

濃雲連日閣雲頭疎雨如珠散不收暖葉鳬翁爭水戲訴寒
燕子替花愁就階自洗臨書硯排闥兒貪下釣鉤我亦五湖
煙艇客全家宛似泊中流

村居秋晚

籬角寒溪沒漲痕經秋才倚此衡門青苔繡遍過時雨綠葉
浮來何處村半日清吟雜魚鳥全家和氣浹雞豚山妻也愛

重陽近特地先開看菊尊

閑居感述

蕭然四壁豈知他竟日閒閒足嘯歌老不干人懷刺減貧何
負汝讀書多儘饒好雨榮苔蘚頻有香風送芰荷生死太平
予竊幸也宜安樂署吟窩

幽居

未許閒鷗占一汀水彎彎處結茅亭不安四壁花爲障恰好
雙峯補作屏小可綠陰營鹿柴大宜白晝誦魚經倦來欹枕
南窗睡又被禽聲喚客醒

落花

黃四娘家春已闌元都觀裏雨初殘縱饒老去風情在尚有
誰來熱眼看空色聊憑青玉案顏顏難駐紫金丹西齋未許

終寥寂畱得清陰竹數竿

誰遣殘紅作地茵不堪騎月雨兼旬亦知開落何關汝其奈
天涯又送春似欠分明嗟夢夢最難圖盡喚真真依稀認得
新粧日斜倚東風泥煞人

重九道中

陟岡也復筮登高看遍茱萸首重搔可惜一雙好閑手不教

持酒與持螯

張幾年

字淳初號潛亭餘姚人拔貢生官於潛教諭卓異以知縣用給國子監助教銜充四庫館分校官

欽賜進士

乾隆丁酉順天舉人戊戌會試

臯亭詩話江浙人知余泊鷗莊詩頗多佳句惟四字韻

以張潛亭所和者爲最其詩云過江日報平安竹昌雨

人傳笠屐圖蓋余家蕭山與泊鷗一江之隔又性喜觀

雨景時時曳屐湖邊故此聯尤爲雅切潛亭好學能文

恩賜進士未及

兩浙輜軒錄

卷三十一

張義年

三

殿試病卒有才不

偶可悲也

蔡英日潛亭以選貢授於潛教諭浙江採輯遺書充總局檢校保舉卓異以知縣用赴部呈請雷京効力以國

子監助教銜充四庫館分校官乾隆丁酉中順天鄉試

特旨

戊戌會試報罷奏請一體殿試至試期先一日病卒

題陶午莊遠遊集

折柳柔乾憶別時歸來喜見頰添髭
憑將破驛三更雨賺得華清一夢癡
西出陽關莫辭酒東來函谷遍題詩
卽今纏臂金消盡賈賦長門不療飢

夜雨春多板屋眠秦風樂府已新傳
曾經杜老行吟地都似江郎賦恨篇
到處殘衫馱瘦馬愁來錦字擘紅牋
思親憶弟天涯淚併入佳人五十絃

讀退菴遺稿

退菴本姓張字容卿天啓舉人司寇高崧公之孫也甲申後出家駐錫雪竇妙高峯

世爲餘
姚人

清淺蓬萊迤起塵妙高峯頂闢荆榛江山慟哭知無地冰雪
巖巖獨此身久分妻孥成絕域長憐草莽有孤臣西臺遺稿
天畱在朱鳥歌殘碧血新

館中呈紀曉嵐陸耳山兩先生

三年書局浪知名

天賜頭銜比舊清空手真成無寸鐵白頭那復對長檠蓬山
喜到逢楊億官燭遙分羨子京聞道傳柑承

曲宴聯吟西笑出春明

高文照

字潤中號東井武康人乾隆
甲午舉人著聞清山房集

吳興詩話孝廉爲槐堂司馬植子自幼隨任九江作懷
古詩出語驚人久遊江左集已良然乙酉拔貢甲午舉
人乙未授京師無後其關清山房集爲友人分藏今
沈舫謠升嶠示三冊錄其九江懷古之作蒼涼悲壯他

南軒贈軒錄

卷三十一

高齋

三

如西湖南陵揚州遊覽之作多發前人所未發前溪玉
湖棹歌於家鄉故蹟蒐采無遺逸才曠世惜不永年佳
句如過韻州云水回雙碓落灘急一篙爭壽山菴云一
聲隔花出片廡當殿陰送人云且將一點相思淚瀧向
君衣好寄歸贈方雲雲門外市聲三日雨簾前風色
一牀書過阮懷寧故居云鳥語尚疑偷法曲池波無復
照明粧詩選入袁隨園先生陶光集又問秋帆制府選
入吳會英才集東井其不死矣隨園輓句云二十萬言
書錦囊畢八千餘紙手鈔忙不知一片心頭血客邸誰收
占錦囊九原抱著見韓蕪秋心折千篇有老夫此日等身
諸著作美襟其愛慕如此如秋帆尚書選東井謂相其生
氣如接生處柳條過吳江如趙北口書選東井謂相其生
佩虹將入湖廣濟寺云雙扉盡闔寒煙外一磬秋飄水到
垂中機活潑足見其偶儻之概法梧門詩話採之
葉天機活潑足見其偶儻之概法梧門詩話採之
疎天機活潑足見其偶儻之概法梧門詩話採之
朱彭日鷗汀客死都門遺稿散逸世所傳者惟吳會英
才集與幽光集所選而已今從聽雨樓集中增選錄之
梧門詩話近二日浙江詞壇已高才早逝以高東井為
左黃仲則八卷劉松嵐為鏤板以行甚盛舉也東井全詩
仲則詩八卷劉松嵐為鏤板以行甚盛舉也東井全詩
今存慎大令處不知何日始能付梓載蕝塘太常以其
手錄三冊見示皆少作也紙厚寸許纖字密行尚以
不克全錄為歉節存小詩數章以志梗概觀劇云國士

相印不易逢暫時蒲伏豈難容千金倘便成孤注誰割
臨蒲萬戶封花滿河陽次第開一株還許傍簾裁小君
不比朱家虎值得黃金搭驟來雁門受命守峭函指掌
千川與萬岳愁讀悔却新樂府傷心覆轍坐軍監劔誓
錯應利派凝夢鞋柳酒兩無憑都緣世少黃衫俠李十
郎今被鬼憎梳粧樓恰對秋江漏洩琴心山佛窗五百
阿羅肩亦被輪他仙子總成雙曲江宴上探花回試窘
師門却費才端莫輕他由賓客許多卿相此中來遊戲
之作具有體裁詩
有雅俗之別在此

泊舟西冷橋步入棲霞嶺

青山久招要幽討阻孤徑枯筇勝侶俱登岸頓心爽初塗稍
坦夷仄徑漸嵒嶙榛荒目屢顧峯陡面恒仰扶欄足小駐遠
近景羅掌湖光蕩日圓雙眸豁虛朗雲來苔磴濕泉吐松根
響暢此塵外蹤遽作天際想剪茅定何年佇辦芒鞋兩

九江懷古

貞元進士拾遺官再貶江舟亦可歎詩到元和多諷諭人歸

洛下盛衣冠樊桃蠻柳他時老苦竹黃蘆此地寒抗疏十年
遺草在海山休作散仙看

送方比部昂之京

分龍雨過水漫漫送去江行五月寒烟柳六朝畱建業文章
千古屬都官曾憐鮑照真才子況有袁絲老將壇料得登臨
同話我舊遊一一認憑闌

聞邵二雲進士

晉涵

周林汲進士

永年

戴東原孝廉

震

余秋室進士

集

徵修四庫全書却寄

屈指浮生幾甲寅孤身天地一微塵魏收木榻經穿久劉勰
雕龍自驚頻曠典千秋遭

聖世空山四壁有遺臣火官厨味寧多諫珍重青藜照讀人
贈隨園先生

萬壑千峯裹一門仙家住老百花村重開朱戶樓臺出未改
青山面目存執手各探新得句驚心難定暫離魂憐才誰似
先生切替拭襟前積淚痕

宏獎何人得到斯文章風義一身持眼無後起偏憐我座有
先生敢論詩轉柁風看收柁候在山泉話出山時才名官職
誰多少未要區區世上知

此身幾肯受人憐低首爲公拜榻前不朽文章傳郭泰得聞
絲竹許彭宣女嬃詈予申申日鄧禹嗤人寂寂年想到平生
知已報商量只有祖生鞭

宋御教場懷古

天津鵬叫塵埃動兩宮誰返青衣痛半壁江山尙足支臨安
萬仞翔神鳳鬱盤舊拱越王宮碧瓦紅牆絕嶺通怪石矗雲

霜仗肅怒濤捲地水犀雄山頭一片平於掌禁藥森森護天
上雪窖刀環置不思宮中自立三軍長當時南內貯嬌豔小
隊濃粧下佩環腕色不分霜鋌白眉痕常映角弓彎桃花馬
上羅襦卸珠汗霏紅腕香帕迴眸一笑陣雲開十萬親軍互
驚詫和議才成早罷兵鑿與無復擁傾城錦衣祇表將軍樹
幕府誰憐驃騎營歡樂朝朝還暮暮半閒宰相銷金處但賀
金人捲甲歸詎知白雁橫江渡三日江湖竟不來西溪輦道
幾曾開芙蓉殿改南中寺璫瑁粧虛苑裏苔王氣東南一朝
闕吳山越嶠同蕭瑟雨甲苔槍不可收傷心猶指眞伽塔薜
蘿徑鎖八蟠荒金闕松陰落日黃行到中峯清籟發天風仍
認奏銀簧

周心傳

字曾望號筠圃錢唐人乾隆庚辰
進士官西林知縣著筠浦詩鈔

舟中瞻眺

形勝逶迤望不窮
晴光豁眼柁樓中
山連建德青圍郡
江迥桐廬綠映空
襍被遠回長缺客
片帆春挂白蘋風
飛行百里

雙臺路又見冰輪出海東

陸

燦

號補梅錢塘人陸元孫乾隆庚辰進士歷官吏部考功司郎中擢潯州知府

汪承需嘉慶碑畧曰公諱燦舉乾隆壬申孝廉庚辰進士歷稽勲考功主事晉文選郎中轉考功掌印郎中辛卯會試充同考官權廣西潯州守護右江道卒官公之米達也其伯父大司馬危川公與先文端公交最厚嘗有龍文之譽泊仕銓曹劉文正公不妄許可人獨於公傾倒焉

舟過黃州赤壁

茫茫萬頃大江流
赤壁如屏拱鄂州
落日餘霞山一色
清風

明月古三秋
能文坡老終扶宋
易地曹師總困周
嘉魚縣赤壁山乃周

瑜破曹處東坡以黃州赤壁當之特借用耳
恨不攝衣上峯頂
此行空泛木蘭舟

次竹塘韻卽畱別同人

草樹含烟翠作堆
月湖橋跨彩虹來
當窗勝蹟皆僧占
入座名花爲客開
齋似太常知不俗
醉同吏部愧無才
人生聚散朝還暮
休作離騷弔楚臺

辛丑初春入覲畱別潯江士庶

八年郡舍竹成陰
無那春風欲送行
悵惘前程奔意馬
別離赤子掛心旌
難禁道左牽衣滿
快撥船頭放棹輕
多少淚含揮不落
恐傳境外似沽名

過大黃江口卽事

一從解纜別江城
謝却攀轅父老情
目送晴鷗三十里
更誰載酒向船迎

津亭柳畔綵斑斕
獻竿人齊艦外扳
競道甘棠無剪伐
栽培

半在紫荆山

因到任從未出票封桂乃有此繫

謝劉子庭見遺陳醋魚腊

嗜好何曾與俗殊
香開陳饗客途需箇中滋味深嘗得三十
年前一腐儒

仲夏酒後遊蓮花寺和韻

北窗高臥厭聞蟬
曉夢雲遊洞裏天
踏實脚根方是學
放空眼界卽爲禪
一聲長聽籠中鶴
十丈虛傳井上蓮
寂寞羽觴惟獨醉
空堦滴雨長苔錢

杪春同人飲藤花下分韻得蛇字

春城處處多飛花
古藤書屋餘天葩
入門爛漫作帷幄
鬱盤屈曲如修蛇
微風不與香出衆
寶幢珠絡籠窗紗
洗粧絕好脈霖雨
濃芬濕艷看紛拏
主人愛花兼愛客
室有斗酒無庸

賒花間布席具肴榼冰盤鋪栗陳梨菹對花不飲花應憎對
酒惜醉何爲耶三爵油油觴政發藏閣射覆爭喧嘩賓主交
錯那計盞百川一吸杯中霞縱酣極飲忘爾汝飛籌一一同
量沙驚座陳郎發雄辯背癢似得仙人爬就中斌媚愛施子
效顰能不慙西家竹林今昔擬高譙五斗一石劉伶誇啜余
甘受金谷罰七字誰比青蓮嘉深宵憐春春欲去燈紅酒綠
悲韶華花開更得幾時好勸君羯鼓休頻搗

酬何自強夫子雲中見寄

今日河汾講席安那堪千里赴征鞍去驚寒雁思歸迴新掃
臺花話舊難李後莫隨霜騎騁程門空恨雪天寒睽離五載
今重別一紙清詩不忍看

項

豐

字文波號水村仁和
人乾隆壬午舉人

雨後對月有懷

暮靄空庭影歸鴉樹杪過旅情初別後客意遠懷多沐雨山

凝黛衝簾月似波草堂雲外是鄉夢隔烟蘿

孫志祖

字詒穀一字頤谷別字約齋仁和人乾隆

事狀畧曰府君先世餘姚人自安山公論隆卜居仁和
府君生而穎悟自云讀羣經及文選等書一似素所熟
習者在塾時偶借得毛西河全集於燈下竊讀之不寐
者累夕塾師慮其荒於八比也呵責之讀書有疑必問
問必窮其底蘊而後已乾隆甲戌補弟子員丙子鄉試
登賢書丙戌成進士官刑部山東司主事由員外升郎
中任坐橫廳授江南道監察御史告病回籍素無他好
暇卽手一卷書題戶校勘無間寒暑所藏書籍丹黃幾
遍嘗惡魏王肅有心維鄭顛倒是非既作聖證論以攻
康成又爲撰家語以欺世爰作家語疏證六卷又謂孔
叢子亦王肅僞託其小爾正一篇乃肅借古書以自文姚
耳疑亦作疏證以辨其妄又嘗輯風俗通逸文又因姚
之駢所輯謝承後漢書多遺漏復爲搜羅補正得五卷
又輯平日所得疏記者爲說經說史說子雜職名讀
書雅錄七卷又謂毛刻文選脫誤不少作文選考異四
卷選註補正四卷又因注上湖文選理學權輿尚多闕

畧補輯詳論一卷以嘉慶
辛酉二月卒年六十五

過分水懷恂士兄

歸路強弓寸寸彎
篙師從此弄瀧湲
惟餘別後思君意
流水無情去復還

寄懷詠駿弟客湖南

別緒思無端
難忘送行日
風颺短袂寒
雨灑庫篷密
男兒淚壯遊
輕裝遽遠出
我歸夜已闌
秉燭悅有失
却憶對牀時
聲聲聽蕭瑟
長安名利場
迫我離親側
獻策笑別庭
讀書慚面壁
落托意何如
倏然歸故室
渡江得家書
字細紙纔一
誰知存令飛
翻作鴻雁別
過廣陵知昆園兄已至粵東
念我出游初
年纔十六
王中進京時
汝今年略似
頗亦愛詩筆
洞庭亘綿紗
騷人代著述
橘柚垂秋深
烟波澹水末
嗟于行役者
彈指光陰疾

爲詠三陟章安能久鬱鬱

過南陽

天低湖水闊沿孫入空冥帆影有時側風聲不可聽人家依
淺岸野艇狎浮萍此地經過數今疑到洞庭

題袁香亭紅豆圖卽送其宰正陽

霜風獵獵披葭葦倦客心情繫南雁騎驢自是可憐人落拓
逢君誇遠宦文場齟齬猶昔時羈羽沈鱗十載期爾來掘堞
塵中見科第年年易摘髭牽絲行作百里主理縣傳家視成
譜才名定可做機雲政績須教方卓魯吾聞經術飾吏事書
生所學非祿利但能慈惠活窮黎何取聲華喧長吏板輿白
髮高堂扶封鮮清規爲爾圖一絲一粟關民命青瑣未礙爲
寒儒草堂舊夢試回首萬疊烟巒羅左右新詩清麗疑有神

愁滿春潮傳眾口折柳明朝感別筵長歌聊當繞朝鞭郡齋
倘憶苔岑侶許寄相思紅豆篇

自題深柳勘書圖

劉向揚雄今不作校書難比著書難金根日及愁多誤莫妄
雌雄子細看

謝承後史誰曾親應劭遺編僅有存嘗輯風俗通逸文抱經
老人采入羣書拾補中
又嘗輯謝承後漢書鮑綠飲擬刻入讀畫齋叢書排纂苦心忘歲月柳花如絮記春
痕

昌雪訪袁香亭於湖莊卽送其還金陵

紅豆村人寶石莊舊盟鷗鷺未能忘歸來宦海抽身早賄唱
旗亭發興狂一月勾留萍偶合卅年閱歷鬢成蒼釣游細數
分明在莫認秦淮作故鄉

登樓四望枕湖邊
別緒無端意黯然
大地忽開詩境界
層巒幻出畫雲煙
衝寒欲放梅迎擢
待臘初飄雪滿船
準擬西風堅後約
止愁判袂又經年

落葉

秋霜一下眾林萎
葉落成堆未掃時
流水年華人易感
辭柯消息鳥先知
小園竹徑風聲寂
遠樹柴門日影移
莫道婆娑生意盡
憑闌點筆好題詩

自題空劫集後

笑他磨折破楞圓
縛律而今了舊緣
成住壞空都是劫
如何空劫說跏禪

塵海由來障俗塵
不教有夢悟前因
箇中一語經拈出
笑煞紛紛劫裏人

成蓼生

字念切號曉塘德清人乾隆己丑進士官福建按察使者竺湖春聖詩鈔

華陀墓

醫國不自醫術奇轉速朽一火謝薪傳賢哉禁卒婦

過瀾橋偶憶漁洋作卽次其韻

時倬匹日近

萬柳橋頭萬斛塵攀條今古淚沾巾獨憐賸客半衣冷不似

垂楊料理人

碧海驚沉入夢遙人間雙鬢逐年銷吟成無復函題處自熨

征衫過瀾橋

雞頭關

隴雲川樹路漫漫雄隘天高六月寒帆影遠迷江一線馬蹄

危踏蹬千盤赤蛇劍云空城在鐵鵝兵銷舊壘殘

劉琦力戰金人于此

無限興亡寄遺恨蒼茫日暮獨憑闌

嘉陵江舟中

我本孤蒲客臨流興自閒病驚巳子月秋老劍門山斷隴開
燒碛危洲簇市闌最欣雙槳劃已報越天關

彰德府

風物當年盛一時女牆猶臥斷殘碑岡頭公子含愁絕郡有台愁
直上山人恨放遲明湖茂繞郭藕花舟上下滿街槐影
屋參差剔憐盡錦人難再如此雲山少護持

宋玉墓

荒阡勒馬首頻搔懷土斜陽冷漢皋神女不歸猶有夢才人
一去更無騷殘碑何限摩挲恨故宅空煩指點勞底事湘纍
爭賽祀鄧邱莫與薦芳醪

有感

兩髀消殘白鼻驕出門三月望猶餘途長童僕懶成客役倦
郵亭戀似家萬里不期投日角一家何意各天涯茫茫身世
勞奚裨攬鏡徒驚鬢有花

馬底驛

淒絕黔安地經行得未聞語音三戶別晴雨一山分陡壁騰
樵婦荒爐坐戍軍還看溪澗畔虎迹映斜曛

俞大猷

字鶴雲山陰人乾隆壬辰進士及第
第三入授編修出為荊州知府

月下出自西掖

太液波涵禁苑西

君恩分與一枝棲長隄路指紅牆近古殿陰連碧樹低曉度
石橋看馬迹晚隨金鑰聽鳥啼慚無經術酬知遇高閣空燃
照夜藜

嚴守田

字毅園號歷亭仁和人乾隆辛卯山東舉人官南河同知著晚菴軒詩稿

朱春生曰余交歷亭在其官同知時歷亭自負吏才衆中論事輒以氣餒陵山人上雖上游前無所還忌然能折節下士遇卑賤者愈益恭謹公事之暇常集諸名流爲文酒會如東鄉吳蘭雪嵩梁常熟蔣伯生因培吳江袁湘湄堂郭頻伽慶等皆其客也嘗有寄伯生詩云客久不來知吏俗君休把我當官看其風趣如此

哭孫補山公相八十韻

巾甫歸蒿嶽東南缺地維酬庸

朝典備述感下情私瑁璫長安客飄零短刺持龍門初晉謁
鶴立識丰姿便畧雲泥分蒙將遠大期才踈慚夾袋宦薄出
率絲却喜旌麾麾近爲言赤緊宜鄰封交受代榮遇抵遷資詰
盜寬臧紇生囚許日知措施無掣肘論列得伸眉乾隆庚子
留都中始謁公深被禮遇後作宰粵東公閩海妖氛起澎湖
爲巡撫奏移首邑凡治獄事多委任焉
戰艦騰酒須蕭相轉兵藉子文治命贊車中畫因從帳下兒

韜鈴親指授杖履撰臯比

丁未臺陽林爽文之亂公復值西
備兵潮州徽守田從事

復值西

南微相攻赤白夷欵關頭急搶泣訴面深勢上國中誅討將
軍建鼓旗書生仍幕府卒乘綴魚麗馬服能爭險符堅攻波
濰浮橋乘夜縛畫角向明吹慷慨鞭刀誓從容羽扇磨胡牀
當箭鏃鳴礮震襜帷列炬增兵氣傳餐恤士饑令嚴軍莫撼
持久敵難支齊逞逾溝勇遙窮度嶺追從朝星見再揮日晷
行遲轉鬪連三捷封章達

九達上公辭爵賞勞績叙偏裨班幸超鸛鷺冠還

錫駿驥舉頭

恩覺重顧影意猶疑

戊申公總督兩廣值安南國內亂率兵
進討球江之捷昭水置陣大戰兩晝夜

守田在行間公叙軍功人

奏換頂帶賜孔雀翎欲并聊坡下終成覆篋基

聖心防黷武絕域

詔班師蔡將迎裴度臨淮代子儀珠江聽舵轉桂嶺送車脂

已西春我師既退安南復亂上以福文襄公畢竟官牆

督兩廣會安南乞降遂召公入為兵部尚書

傍無虞仕路岐張溫重外補韓愈怡量移

天語承溫渥江鄉去邈遙門生稱故吏治譜受成規檠戟霜

飄座秦淮月滿陂綠樽留賭酒紅燭侍彈碁官恐艱需次鋒

令試及時權宜昇符篆小効責捐糜庚戌守田隨福公入覲時公出為兩江總督

上命發守田江南以同知用常歌召杜廷自相咎夔已迫宣麻日休陳臥轍辭臨分神惻

惻握手訓僛僛目斷沙隄杳身憐守土羈高飛驚奮迅不舞

鶴雛縱辛亥公入為吏部尚書協辦大學士守夢兆三刀叶

巖疆一柱撐北門煩寇準西賊畏韓琦可奈雕題族工為背

面欺無端揭竿起又費折筵筍萬里來音問千言述苦危命

宮占驛馬暮齒困驅馳分陝肩難卸等邊功懼隳頻年見烽

火何術補瘡痍故國湖山美勞人顏鬢衰會當舍轡笏相與

老耘耔公入祖後旋以西藏用兵出權四川總督事平補大

守田自述年衰任重常恐隕越惟願更捧吟箋讀驚看麗藻

搗羽書雖絡繹翰墨尚淋漓想見軍容壯應同筆陣奇郵筒

逕屬和磨楯羨相隨魚雁程纔發龍蛇厄早惟機檢方待掃

箕尾竟先騎公於今春郵示秀山詠懷詩十六首命喪返詢

僮僕詳言各涕洟多緣躬盡瘁非必數逢奇馬援鞍常據廉

頗甲屢披蠻溪蒸毒霧瘴嶺絕涼颼意以空嘗餌膏育走疾

醫倚牀談戰策易簣鮮家貲所賴黃腸

賜全歸馬革屍一軍皆慟哭四野遍謳思公薨時旁無戚屬

有道碑堪勒袁宏世共推貽書徵事實立狀戒參差海固窮

蠡測斑尤愧管窺平生纔省記報稱此豪釐

袁簡齋先公墓碑自任書來

命守田先立行狀以備采錄

石馬公卿墓黃鵬丞相祠人天悲永隔像設

仰鴻慈環環蕪辭獻盈盈絮酒醺嗚呼魂尚饗彷彿鴛文螭

先君子之喪大姊方病甥輩未敢啓知仲弟甫田奔喪

來淮因遣其至磁州告哀臨分述此

聚已難堪別可憐愁腸疊疊涕漣漣女兒弱弟分三地孤子

鰥夫痛一年多病怕添聞耗後亟歸須及暮秋前與機擬過

重陽發冷雨淒風盼阿連

西湖雜詠和李松雲韻

占斷湖山蕭寺宜烟迷霧鎖路難知雷峯寶叔一雙塔特與

遊人作導師

照水山光喜破晴舟師相喚裏湖行沿隄處處停篙待尚有

遊人未出城

淡紅香白總嫣然
草漸成茵柳吐綿
山色要晴湖要雨
商量做出養花天

孤山勢與遠林齊
行盡蘇隄轉白隄
指點寺牆紅一片
夕陽都在斷橋西

孫辰東

字樹培號遲舟歸安人乾隆壬辰進士第二人及第官翰林院編修著種紙山房詩集

龍莊夜過話別聯句

北海樽間離思添

蘇山汪

明燈疎雨落前簷
堂堂春去休辭

醉

辰惻惻寒深莫捲簾

詩壁

堅於營細柳

輝

豪情大似客虬

擗倚歌愁譜陽關曲

辰

望遠同看八月蟾

祖

次韻答沈茂才夢蓮

僧房兀坐笑談稀
剝啄何人更款扉
窺研一蜂窗紙破
覓巢

雙燕屋簷飛索居莫怪吟情減少睡還嫌酒力微畢竟招提
清冷地餘寒猶逼木棉衣

初登金山

扁舟揚子江十年記三度金山如蓬萊到輒風引去朝來遇
石尤登山憤夙慕一葉坐漁舟翩然狎鷗鷺中流風雨惡蛟
龍爲誰怒茲山吾有緣詎畏風斷渡船尾望焦山濛濛墮烟
霧霎時霽色開絕頂試徐步山僧莫苦留行止吾何與

吳門留別兄峒彬

迂途真得計握手有奇緣樽酒歡相共西江路幾千不愁明
日別且復對牀眠今夕高堂夢知縈何處邊

龍莊枉顧武林寓舍卽事成詩次韻奉答

款扉不待王延賓共許交情白首新近市僧寮差避俗稱心

秋色總輸春燕辭巢恐棲無處鴈繫維知解有人鶴髮堂前
雙眼望與君斟酌苦吟身

方

薰字蘭坻石門人

稿子

鮑廷博曰吾友方薰字蘭士號樗翁其先由歙遷居石
門父縣字遜一號雪屏工詩書及水墨繪事刻有雪屏
詩存二卷蘭士大夫游而敏慧十五歲隨雪屏歷三吳兩浙
之地與賢士大夫游亦以詩畫見重於世後僑寓禾中
梅會里雪屏卒經營喪事畢乃就食桐鄉先寓程氏後
寓金氏桐華館時以先世未葬居數年積館穀所入卜
地於桐鄉郭公橋安窆安性耽吟咏書山靜居詩藁八
卷題畫詩二卷詞二卷詩話二卷論書二卷其論畫二
卷余爲刻入叢書中先是蘭士病劇夢至一所若王稚
居從人引上殿王著曰善士也延壽一紀至是復病遂
不起恰十二年也

子廷珮石門廩生

定香亭筆談石門方蘭坻山水花卉得宋元人之秘法
工詩極清厚在大歷十子間有山靜居詩鈔錢唐人奚
鐵生亦以畫擅名于時浙

東西求一鼎足者不可得

重過吳氏林亭

踏莎濕雨歸乃知露未晞
俛行見我影林罅來朝暉
暫祛塵垢綠復款煙蘿扉
雲構緬遺躅喬木陰成圍
潛鱗暖欲上鰓燕時還飛
悠哉感物性及此見化機
宗游仍晝寢任釣空苔磯
斯人已寂寞風雅其安歸

僧廬古柏

遮檐黛色青濛濛搜拏有物如乖龍撐庭老柏枝幹古頑首
剝蝕雜其中冰霜飽飫閱歲代元氣不伐煩神功荒陬獨立
空羣木山僧因樹爲茅屋歷劫多看桃杏紅深陰長覆袈裟
綠日暮踏枝病鶴來柏子細落青成堆迴颺起簾流梵唄海
月倒影橫香臺高柯向人意偃蹇頗似失地形低徊寧知造
物非厚爾匠石拂拭孤根摧我歌殷勤一相慰莫如梓櫟全

爾材

畫墨竹

山澤間曜不知肉從事毛錐頭已禿硯池中有梅花泉一竿
兩竿寫蒼玉纖風午夜搖空庭鳴瑤翠羽來湘靈湘娥清怨
入瑤瑟二十五絃聲泠泠散入深宵不成夢影上闌干舞青
鳳酒醒香殘香未真墨痕著處秋陰重

寒夜送弟華之杭

語不盡長夜燭如人淚傾無家迫孤露努力慎餘生冰雪他
鄉路酸淒此別情天寒風乍緊蚤發虎頭城

秋林聽雨圖二首

雨中秋涼清雨後秋氣爽林居臥遊人却聞衆山響
林臥夜來雨打窗殊不止是葉是雨聲須問君兩耳

木山閣雅集遙得來字

難攀褰屐共鄒枚春到江鄉首重迴溪路梅花三里隔草堂
入日一書來客中風雪羈愁集眼底光陰節物催遙憶分曹
山閣夜包家燈下闕深杯

侵曉舟艤光福同初陽懷璞至元墓諸山

蒼蒼霧翳渚冥冥舟移莎曉陰露林屋霽色含煙波天繪出
水村造物工描摹幽人與魚鳥皆在圖中過蒙蒙雲氣散疊
疊峯影羅况偕同調來肯負佳游何討春仲華里香雪空林
柯欲弔秦元墓綠蕪蕪巖阿閒情緬往迹懷古興謳歌短興
信逶迤遲日休蹉跎此舉頭靈巖山雲外橫修蛾

踏塘車

去年踏塘車田中赤裂飛黃沙今年踏塘車田中混泱多魚
蝦去年一旱三五月今年風雨橫交加踏車一日雨一尺水

深轉車足無力雨中踏車愁偏仄昨日不得息今日已
暮仍乏食雨不止車不休田中水禾沒頭眼中淚車上流子
帶去妻難留妻難留道旁哭來日何人共車軸踏塘車聲轆
轤

喜朱栢田至

旅館掩春陰委花愁獨掃虎阜人不歸毘陵書未報深更羌
無眠散帙還燈照奚童夢中喧足音遑然到相對若恍惚巾
懷敢輕告坐定回我神始看別時貌通知平生事聚散難自
料

程君凝霞彈琴

人意冰絃相與清月華如水夜三更誰知曲裏思歸引多是
天涯旅雁聲

研山歌

米元章研山南唐李氏物也向爲朱文恪國祚所藏
文恪孫檢討彝尊歸於崑山徐氏余頃從當湖高詹
事後人見之蓋又得之徐者石質靈璧廣尺許高六
寸有華蓋玉筍月巖翠繚方壇諸峯峯腰有上下二
洞洞下窪曰龍池皆隸書識之並有寶晉齋及襄陽
米氏世珍印與陶九成輟耕錄所載無少異焉檢討
昔與阮亭尚書皆有詩詠之斯石之美無容詞費惟
是南唐以來歷八百年之遠而石之飽閱興衰獨能
完善如故不大幸歟迺爲之歌

一卷京峴山突兀峙眼底中有太古雲霓翳幽處起巨靈斧
鑿自何年尺玉峯陰列髹几研山傳出澄心堂不隨狎客隨

降王老頭一見袍笏拜便有甘露晨灑灑海嶽庵荒阿章死
幾經兵燹隨興亡銅駝早見汴州道長嶽已傾花石綱傳觀
者舊頻拭目歎汝由來人代速華蓋峯消劫燒青龍池水換
滄浪綠石不能言絕可憐朱詩王筆慰悽然人間愛惜誇完
璧我道流離幸瓦全

白鴿篇

白鴿篇爲桐鄉程氏所蓄雙鴿作也明義抱節不意
微禽見之因書其事

翩翩雙白鴿玉立棲花房主人殊愛惜調護非尋常雕籠貯
深幄紅粟開陳倉屏雀少顏色軒屋難輝光朝放夕來歸鈴
聲隨風颺主人一朝貧有鴿無餵糧衆鴿難忍飢聯翩適他
方惟有兩白鴿徘徊主人堂朝飛尋燕麥野啄充飢腸夕歸

畏隄奴貼羽依空梁素翰日摧頽相顧增悽涼恐負主人恩
他適亦不祥雌雄不相捨歲月情如常虺蛇夜深至一雄搆
其殃雌也急鳴救力弱勢莫當奮身奪毛羽銜泥瘞秋塘啄
食不敢吞先爲死者嘗悲鳴守其側終夜哀枯桑淚落杜鵑
赤影比孤鸞傷血淚目凝積碧草不肯芳寧爲同命鳥不作
逆毛鵠生當主人愛死共主人旁感茲白鵠義懦士心懷剛

水龍謠

壬辰孟陬甘有五鄰家老媪不戒火祝融酣醉從事驕忍使
此鄉受奇禍朱鴉赤蟒吐光怪瞥見騰煙掀萬瓦始緣誤投
一束緼斯須沿及盈車薪迴颺捲起燎原勢撲救轉作霹靂
震平牽耶負子不暇顧棄箱舍麓區精魂縣官委丞丞束手
登場四顧徒遑巡古者反火定何術愧無一策援疲民驚然

一烘亂顛躡懼聲傳呼老龍至短衣健兒奔若飛十五五
擁水器骯髒木具突金項中有樞機出靈異一人抱項聳兩
肩左右鼓臂低昂連寒滿激發出龍口白光十丈如流涎從
空潑火火無色歎薄一洗空炎炯來朝拜龍酌龍酒靈風吹
香女巫走巫言天災亦人咎昨夜原聞老龍吼

此鄉凡災則老龍先鳴

東湖卽景

張家林亭杉葉遮李公橋外柳絲斜不知九派東湖水流出
春城幾處花

同人游吳興自硯山登道場弁山諸勝值雨投宿山寺
掀篷碧浪湖躡屐登巘屹硯山轉道場取逗披榛嘗迴看芙
蓉塔影隔香花灣獨乏濟勝具偕游強躋攀講堂名著蘇窪
磚跡聞顏亭虛敞望湖船遠移夾山插脚白雲裏舉頭青弁

間衆峯各逞幻四顧力不殫置身洵清遠舉目空塵寰須臾
林巒晦烟霧迴漫漫巖壑響驟發風雨來無端欲還已百仞
直上猶千盤俛仰迷處所進退勢孔艱支筇氣噓喘信步行
蹢躅遠鐘導游子暝色深禪關笑乞伊蒲供飢作般游餐危
樓屹山脊託宿凌高寒趺坐定驚魂雷雨猶怒蟠若負山靈
意無那天緣慳且就無盡燈索句至夜闌蹈險反爲樂吾徒
例癡頑來朝寫新詩厓壁當深刊

再至武林泊北新關與弟茂夜話

水旱舟偏往復還西湖那許滌塵顏

兩次武林未至西湖頻年兄弟皆

浮梗何日樵漁共買山夜靜柝聲傳野驛月明帆影落津關
平生甘載杭州夢草草勞人那得閒

十二里洋中流望兩岸遠山

吸塘水時洞舟楫艱旅情掀篷人滉漭天水相與明掠波散
鷗影曳林起蟬聲菱荷隔浦香桑柘開茆衡快此琉璃界令
我耳目清中流山光來爭欲褰裳迎青浮雲表出翠抹煙中
平雲煙一以散遠近難爲名惜哉縱權過目斷修眉橫

次王秋坪郡城夜雨見懷韻

孤雲將離心去作寒城雨斷夢逐征帆知君在何許相思渺
煙波遠隔雙湖淡豈無一尺書答我鷗愁侶

觀瀾精舍訪得原上人次秋坪韻

無住著浮生牽船亦居陸休公方外朋有書亦借讀萬事付
醍醐一飢了蔬菽蟬如果可逃露處皆是屋

欲雪簡未孩

凝雲如絮抱城阿風色淒清雪意多鄉俗占田一春在酒人

憶事十年過

丙戌冬程珠川小樓對雪賦詩今年矣

消寒會裏邀吟客索笑花

前放蹇羸爲語木山楊叔子記曾拍斗和清歌

題培菴沈先生畫

任邱民士戀貧官只許家山畫裏看容易百年畱手澤要思賢到子孫難

新倉吳兔牀以陽羨溪水釀酒送桐華館余得分惠作此并寄兔牀

兔牀先生通飲稱一杯獨笑張季鷹自言得釀須得水昔人所造誇宜興孝侯臺下水如乳此水成釀殆維醅料量麴米有心傳壽蘇之經子野譜酒能郁烈餘正味滿甕餉人誼良古惠及野老忝鯨吞狼藉不顧衫上痕黃嬌此日獨泥客紅友當年幾葉孫

東坡南遷與單秀才在宜興黃土村主人餽酒曰此紅友也

野老目眚先

累口陋醫投劑勸止酒未逢杯竿煩丁寧豈得酣醺論卯酉
先生書來教周防不言飲事便作殃只嫌斯意亦未盡不寄
釀方寄葯方

余病目免牀以張湛
示范武子方見寄

寓桐華館有年矣其間庭花石竹皆有余畱憩之跡且
爲遷徙而去瀕行題壁以志平生

主客投歡夙有因此間旅食幾冬春何如三宿桑門釋畢竟
孤踪傳舍人久別友朋還問訊瀕行魚鳥更情親難忘拂石
攤書處一樹江花繞夢頻

寓齋同汪明經小海話舊

風期誰與古歡稱賴有汪倫舊酒朋道義交敦三世久論詩
心折十年曾烏篷頻繫深春柳老屋同挑半夜燈

十年前寓
君大阮齋

君至則論詩對榻相與盡歡

一自感懷憐聚散浮雲流水兩無憑

望雨三冬殘臘得雪鄂山比部呼酒賞之卽席口占
忽報寒聲徹瓦溝梢簷風竹亦低頭已看快雪花飄臘預想
明年麥有秋賢地主情如酒暖苦吟人句就燈搜一冬三白
先占瑞大慰農家望歲憂

燕巢二首

將雛早在落花天點席汗茵往復還過客競先庭雀喜因君
藉甚屋烏賢久居未免營三窟暫止應須借一椽小雨隔簾
同午夢神樓懸處誤游仙

傳舍相看西復東烏衣門巷類壺中丸泥小訝封函谷椒粉
潛疑起漢宮見繫反稱時樂鳥幽棲那及信天翁殷勤漫作
兒孫計幾見華堂甕盎同

和以文咏闌干

十二環軒手重捫朱橫玉曲勢猶存忽看倒影搖庭沼已帶
斜陽轉戟門花外幾行沾別淚蕉陰一角尚餘溫劇憐紅袖
當風處回首高樓欲斷魂

畫橋扶過興還乘扳過梯危試獨登一箇樓高橫縹緲六朝
山遠俯峻嶒深憐拂檻花無色寒見穿廊月有棱幾許閒情
空轉折廣庭風露有誰憑

薛鹵齋寫芋拳余補晚菰寒菊

晚菰香芋好登盤秋菊何妨共食單大雅不拘形迹似老饕
只覺口涎看要知倩筆爲鉏易未免充飢畫餅難以供主人
莞爾笑也從紙上勸加餐

菊米

遂昌之西埭產菊蕊累累經秋不花土人呼爲菊米

治目疾有奇効友人朱茂仁宦此地歸而攜贈余方
病目賦詩志謝

麥菰實有秋雖以爲糗粢兎槐作穉穉燕麥空芒秒葛米因
僊翁竹米俟鳳鳥六穀地所珍百卉名假造其類敷草木異
種豈秔稻遂昌氣清淑山水出天巧西埭地最幽有菊花無
杪抽蕊如黍繁綻粒比粟小嘉同兩岐禾瑞等六穗藥窮秋
霜偏凌晚節香獨抱遂以菊米稱不隨草木槁其材本良藥
專治得要道秉金使肝蘇袪翳令目瞭故人一廣文薄宦繫
山島苜蓿盤之餘食俸較此少分餉遠相將來惠誼可寶手
煎不時服目疾計日了百年無昏花雙眼常護保我聞池州
菊甘谷水亦好山人常飲之往往登耆老菊米是其族芳潔
餐可飽飲當列上品世俗漫不曉失錄豈桐君遺載非本草

老眼今光明卷帙當稽攷指囷想不難書帖乞須早

陳二西招同綠飲泛湖至南山而還

隨意遊船泊水隈漪園深處柳烟開人從荷氣蘋香去鳥向
山光樹影來抱杖尚遲蒼蘚路晚鐘催下夕陽臺琉璃萬頃
浮歸艇此樂平生第幾回

菜花和綠飲

萼萼也復闌芳非桃李初殘柳絮飛鈿朵不逢村女髻水田
真似道人衣繁開籬落滋春雨遠眺原頭帶夕暉野老行吟
隨處好叢花扶屐繞畦歸

和綠飲簾鈎

彎環懸處畫檐深小挽湘波若不禁燕蹴誤鳴雙曲玉婢慵
遲上一鈎金輕掠雲髻釵聲漸頻捻春黃粉膩侵坐覺纖風

吹不定莫教捎起下花陰

爛爛偏憐屈作銀雙垂珠箔見來真當頭恰似初二月引手
還思第一人玳瑁隔窗支弄影珊瑚別院挂殘春空閨輪爾
相依切高下親拈朝夕頻

紙窗和綠飲

一冬補綴一秋殘南牖迎曦北牖寒得鱗酸風來鬼笑迷方
故紙耐蜂鑽雪聲亂作敲篷聽文稿糊同覆瓿看未試冰油
已生白短垣鹿麕不須寬

輕薄桃花也隔塵安排六扇拓簷簷閒憑正賴青山列妥置
偏憐白屋貧剪燭朋儔娛卜夜占年兒女貼宜春此中隱几
原多淨響搗書成最有神

顏魯公銅印歌

印爲綠飲所藏

鮑髯老眼海月明勘書燭古無遜情手磨銅章是唐製瘦蛟
貫組鏗有聲土花蒼寒周四角篆勒玉筍文真卿當公出守
避時黥賊噪平原擊鼓震軍書如火上蠟丸夏雲無光照銀
印夏雲照銀印岑補闕送公出守平原詩此非官印用必常勢欲從公與城旃
得全一郡寧非天白頭再見中興年摩崖碑中印合縫乞米
帖後鈐餘賤平生忠信憑遺物千載劫灰不磨滅子孫失守
鬼神護豈獨老髯深愛惜當時不容公亦得不死盧杞死希
烈靴中幾作臨淮刀懷內何慚太尉笏印乎印乎無口說飲
鳩踏火完公節

蓮花莊圖

昔吳興姚蕙田屬家環山作蓮花莊圖一卷後爲姚
君松谷得之時故人未孩云可令老枵題識藏者題

者後先一家洵佳話也今松谷出觀遂書於後惜吾未孩不及見之矣

盡裏溪山記放船蓮花莊外白鷗天方壺逸興無今古桐壽風流有後先千載一時誇韻事兩家同姓特奇緣故人不及相評泊展卷題詩爲憮然

童

堦

字巨川號鹿菴錢塘諸生著有鹿菴吟稿

南塾堂筆記虎林童丈鹿菴孝子也母以苦節著鹿菴七十孺慕勿衰授徒湧金門陳氏草堂一見傾倒琅琅所誦詩數十首曰子詩有仙情義歸史筆亟搜篋中出字七十童先子霜髯彌苦吟雞聲蓬巷古燈火草堂深自說爲兒日難忘奉母心倚余詩作傳點筆意蕭森荒莽泣日得君一首詩已畢千秋願某卽死無憾耳今十年矣

訪友楚中不遇問渡黃鶴樓還里

高標負郭枕洪流共說仙人在上頭兩月關津初問渡一天

風雨未登樓懷中刺滅
觸衡字江畔春寒季子裘
回望斷雲烟樹外擁書空作漢南游

東方青門

探幽久不到河干問疾重過話歲寒
萬里循聲君作宰百年生計我垂竿
牀前明月空相憶江上青峯好共看
別後差能扶杖否幾時緩步上吟壇

陳

基

字有祺號復齋海寧人
世佩子官宛平知縣

題三河縣漱玉泉

巖通銀漢脉靈液漱成川誰琢一痕玉如飛
三峽泉濕雲生絕壁驟雨瀉晴天所冀穿渠
遍常滋郭外田

陳

寅

字防之號百藥錢塘貢生

酒旗

尺布新縫片影垂河陽風月總相宜擬來元象分明見

張載酒賦

擬酒旗于元象酌趁梨花遠近知活潑好參圖畫意流連如遇麴車

時飄搖不是無情物一路心旌爲爾移

朱學周

字啓東號巡撫錢唐人乾隆壬午歲貢生官定海教諭

張禧年日巡撫先生吾友俞素園之外大父素園云外大父沒時某僅六歲嘗問母氏云外大父耽詩好書著作頗富皆散佚惟存殘稿三數紙耳

湖堤

沙堤一築兩湖分右看青山左白雲走馬直衝花爛漫泛船多傍柳紛紜探奇有路通孤嶼買醉無人不夕曛天事原須工巧補風流宦跡證前聞

懷王穉歡

休論榮枯最不平清時潦倒慨耆英錦江梅嶺空千里酒國

詩城寄一生看竹春園迎送畧駕輿雪夜往來輕芳牋東去
無多遠塵事羈牽未得行

胡

栗字潤伯昌化諸生

湯禮祥曰潤伯少豪宕有不可一世之概三入鄉闈遂
絕意進取草衣蔬食寓城西破寺中罕與人接詩宗少
陵頗多神似

登七寶山

七寶不可覓名山成浪遊高臺飛鳥外落日大江流秦望碑
何在思陵草自秋尋真如有路含笑謁丹邱

老梅

風骨一如鍊冰霜奈雨何翻憐生意拙不在著花多古寺點
春色荒郊臥碧沙調羹空有實零落歲時過

聞笛

池館黃昏獨步便誰家長笛倚樓邊山陽落日頻年淚江上
梅花五月天秋竹聲音原不改人情哀樂自相牽比隣半是
他鄉客一夜愁添白髮鮮

望祭殿

汴梁寢廟隔重關南渡春秋肅此山龍勺玉京零落後翠旗
金炬有無間爭禁碧草諸陵長不見青衣二帝還躑躅君臣
空灑淚總師誰詔岳家班

虎邱

無數樓臺金碧新管絃羅綺壓芳塵古時山色古時月那有
吳王宮裏人

黃庭

庭

字夢珠號寶田錢塘人樹

江柄炎序略曰亡友黃君松石有令子曰夢珠年少厲
學才致橫溢發爲歌聲駭奪時輩以貧故奔走燕趙齊

兩浙齋軒錄

卷三十二

胡栗黃庭

望

魯間與四方前輩名宿上下其

議論排韻角逐莫之或先也

自題緣萍集略曰憶自九歲侍先

時寓公名卿車轍交集每至翦燈

風詩時在座觸爲之色舞又嘗侍

姿同客居春明門外倡酬之際輒

歸鄉有事秋閣再戰再北更以飢

華亭學曹唐作遊仙詩奉教於蔣

作不經語易作常人語難言下嗒

十九返里與杭子莠山魏子白民

學填詞學作賦二十以後客揚州

楚計一歲之中與霜橋月店柔櫓

之半初庚午九月得弟葵田亡信

公病信中庚午九月得弟葵田亡

歸抵家則兒子阿初以九月殤歎

矣嘗憶吳門李丈客山江陰翁丈

翁顧李曰渠詩有遠韻他日必有

七世風雅人宜有集閩中之秀尚

正在妙齡固宜奕奕有寶氣然渠

語與人多不相類吾恐其窮而益

耶然

朱文藻曰寶田先生居武林門外

名三十年於茲矣先生嘗以事累

遣塞外終乾隆癸丑

詩

暮春令弟小松司馬駐浙寧招致解中始得
與令嗣渭符共晨夕因出遺稿示讀一過

神龜篇

古泉先生得神龜山遊水泛與共之逢人說龜龜不語屏息
怕遇老桑煮我聞龜之不死以氣伏不飲不食善信繼貯以
華屋母寧空谷飼以梁肉母寧濠濮城以南江之北梅雨十
日蓮葉青先生不歸龜胡以生

題林逋像

到死難忘封禪書空傳高隱占明湖春風笑問梅花墓夢在
長楊從獵無

送俞今山回杭州

故國不相識逢君在漢陰那堪江上楫又理匣中琴改歲憶
歡會離羣感素心蒲帆開十幅愁見暮雲深

正好開頭去湘流綠漲初回看漢陽樹應念武昌魚有客垂
衣帶他時寄素書殷勤須問訊山色近何如

清才誰與敵爲子感遺珠高舉有黃鶴長飢笑白鳬覽來非
有意相別在須臾但羨還家後花前杖可扶

江研南夫子將還吾杭適某自都門歸又有楚行賦詩

依贈別原韻

一簞新辭富有餘及時歸去樂何如莫因楊柳畱春思好傍
蒹葭葦水廬營壘何堪憐去燕上竿真欲笑遊魚一帆穩趁
秋風便正是金垂橘柚初

烟同幻影水同奔滿地風波眼欲昏畫裡蓬萊成一笑胷中
雲夢許全吞湖山儘足邀真賞松菊何曾解市恩可惜大江
千尺浪送人來往棹無痕

淞浦對月

纔得采菱風亂吹一圭寒月浸玻璃江山如此來何晚雲樹
多情住恰宜烟際鳴蛩空有恨夢中沙鳥不會知年年好景
誰爲主欲倩詩師問苦師

題史湘筠竹西艸堂冊子

卽此識幽意伊人愛澗阿酒懷秋後窄詩感畫中多白髮幾
增減青山一撫摩柴桑應有約及蚤訂相過

萍

水性自輕薄相逢感別離漂流對明月疎密任清漪千里歸
何處一池青未知莫教踪跡斷珍重與秋期

湘水來

北風吹湘水江平水更急護田須築隄築堤向隄泣

屋淺水及檐衣短水及藕長官忽民癡嗟哉民其魚

打八哥

打八哥打八哥八哥無匿處但解陰晴不解飛沙明露白久
延佇紅蓼洲青蘆渚兩啁啾告其侶于今高飛亦何益膠網
不設黏竿舉吁嗟乎八哥爾何苦鵠舌作人語爾不見人作
禽言人不顧禽作人言人捕汝

得順風

銅丸走峻坂騏驎不能爭雲影隔檣過浪花隨舵輕始知風
有力未信路難行好向長年語兢持戒滿盈

荻港食鯖魚

船燈歷亂晚潮寬少有鯖魚入市看此去小孤纔上綱欲謀
殘醉恰登盤擬同海錯加三等好與天饒佐一餐我憶春波

恰東望櫻桃風起遍江干

蟬

已能遺世立猶戀綠楊絲曉夢咽殘月秋心冷故枝于何得
清化終是慮高危別有臨風怨商聲孰與期

茗餘

自是盧家七椀餘金閨藏弄意何如質存尚有括囊用味盡
方知水厄除穀雨香猶近茵席春濤聲欲到華胥綠窗何日
看纖手紫蒂盤桓一握初

家鄉用菊花裝枕
花名紫蒂盤桓

破枕

山字裁成密縫年來相倚亦從容憐卿染垢痕難洗悞我
攤書手更慵繡出鴛鴦失毛羽拆開敗絮笑兒童從今不借
遊仙力蕉鹿何煩與夢逢

丁

健字誠齋號淨居
仁和諸生敬子

春夜坐四照亭玩月作

吹盡游氛天倒開水晶宮裏湧樓臺憑誰喚醒春城夢到此
月明湖上來

法相寺竹閣觀李先輩畫壁

閣中誰灑雪色壁檀園居士留筆蹟溪山幽窈樹蒼濤潁秀

塢景妙初獲

題云十月之望遊潁
秀塢歸把燈寫此

惜哉風雨半崩圯年深墨

淡意荒率想見揅袖片中幘虞老

長聞生子將

同笑啞我來恍

坐空亭側讀畫看山并一夕皆鴉嘯羣飢鼠咋竹外吹來寒

月白嗚呼萬事等浮塵佛宇曾遭劫火焚何況過眼之煙雲

寺萬巖
於火

徐六堂泛舟城南遇雨疊昌黎韻見示予亦次答一篇

端居無侶破幽寂藤牀畫臥欹枕函我友扁舟遠造訪來看
城南山青嶼好雨浙瀝響遙背迴風浥濕白苧衫足音蹙然
闐蓬藿求羊徑闕莓苔銜肯嫌地主少看待江光帆影窺門
緘蕭蕭巷陌貯秋氣相對煩事皆夷芟新詩投我復出秀字
句剔藪兼疏竅有時清味盤苦硬何止與俗除腥鹹有時蒲
牢振鎗輅坐廢絮語傾喃喃及其放筆寫沈痛如屈被謗賈
被讒鏤肝鉢腎關奇詭意匠所到神工剗誰云雕蟲一小技
子雲文章後世監古來饕餮鑄饒鼎唯於墳索供人饒伊予
失學嬾莫比篤好往往慙畢誠因君爲我發針砭庶幾痼疾
瘳疴纖

修川道中却寄范大雪軒

連林烏柏雜雞桑罨岸青蘆卅里長一閤趲墟人散後水風

涼入打魚莊

晉賢寺鐵象歌

重二十萬斤南唐袁州刺史選鑄時

晉朝古寺城南隅中有鐵象形模殊體巨貌詭勢仰視調馴
駭狂愁番奴蹴踏直欲凌九有想見截流尾不濡普賢大士
慈容愉敷衽而坐恒晏如六牙分身百千億暗中摩頂發蒙
愚誰其鑄者邊和尚一方偏霸嗟無恙君臣惑溺紀綱頽福
利營心恣欺誑圍城高坐講楞嚴倉卒誰知北兵向後身靈
運亦何爲維摩鬚久招譏謗可惜鑄鐵竟鑄錯枉使洪爐役
工匠

大安寺鐵安鑪歌

向傳吳赤烏元年鑄今按欽識乃太

大帝時也唯三國魏明帝有
太和年號豈以訛傳訛歟

竭來五月洪都客訪古來尋謝尚宅連朝奉客無事朋昨日

城南今城北入門突兀見鐵爐大可隱身高過額魍魎知難
川澤逢蟻發寧爲風雨蝕爛漏繡澀暈苔花叩之鏗然韻銅
石摩挲忽認太和字始辨從來赤烏惑細數春秋八百餘却
爲楊家增嘆息政由東海鼎祚移孺子危如枰上奕楊花化
李豈偶然卒至彭奴改元歷讓皇晏駕丹陽宮傷心空把香
爐擲十國春秋睿帝遷丹陽宮是日有使命來時帝方誦佛書於樓上使趨前帝以香爐擲之俄而報晏駕矣十
國瓜分何足論徒擁虛器堪笑啞何如此鼎鎮三門運往不
隨年籥易團蒲頂禮佛前燈香破廊陰開薔蔔

側理紙歌

舊聞海苔曾作紙南越之人能造此水綿萬杵出蠻槽菱皮
松皮未足擬今朝獲覩形模奇高尺有七徑四咫蟠腹虛心
類鼓腔傍無接聯下無底映空諦視文庚庚白雨斜飛白雲

裏博物何人識者誰茂先既逝道衡死鯨工巧製擅千年倭
僧肯留誣萬里小山主人清閨藏一幅世寶緘藤箱葵倫左
伯造不得肌體妍妙堅而光不敢自私獻

天子親灑

宸翰輝天章君不見澄心堂紙百金值流傳江南更江北劉
韓蘇石梅歐陽賦詩同聲三太息爭如此紙得遭逢楮生進
侍明光宮卽今

賜錦成佳話韻事應傳百歲翁

趙六丈意林以此紙獻行在拜賜宮錦四端沈觀

蔡敬園卽以賜錦名其堂梁觀蔡瑤峯爲之書沈宗伯歸愚爲之記梁少師蘇林書以勒石

九月十六日登寶石山天然圖畫閣

成削秋巒紫翠開危樓遙面水雲堆殘僧似鳥依枝宿閒客
如魚逐隊來城接斷霞明繡嶺塔移斜日下荒臺病餘腰脚

還堪試不怕陰崖有滑苔

把鏡篇寄希曾致堯山甫諸弟

晨朝把鏡看我面如弟面覲面不得語孤踪寄異縣所幸諸
弟賢各各事筆硯仲氏志專一纂言及星算霜曉間風宵手
鈔書等案叔兮性儒緩摘詞工纒綵偶然書八分上奪崔蔡
善季也更小年亦復弄柔翰文選手一編雜擬詩可玩汲古
道自尊干時計非便改絃而更張聽者或忘倦美女匪良媒
誰歟致金釧爺娘坐高堂六十顏玉練大父與大母八十且
健飯人瑞四世難天樂一家擅胡爲守圭蓬落然久貧賤及
早圖致身庶稱識時彥毋效阿兄癡爲世笑風漢

丁

傳

字魯齋仁和諸
生敬子健弟

上
碧谿詩話魯齋屢困場屋暮遊閩粵江楚歸而著書精
天文勾股之學讀書得間穿穴經史發前人所未發手

稿字大如蠅閉藏一篋無子依于壻家子屬索其詩稿
 不得見卒後向其婿索之屢矣復不可得今取子向所
 見者錄之卒後向其婿索之屢矣復不可得今取子向所
 當作大布衡千衡者直也刀字中著點乃千字人多誤
 識也又好為奇論嘗言福建大榕樹若移其苗二本栽
 之南屏淨慈寺門前廣蔭可憩數百人旗中大火像高
 丈數尺者募勒於葛嶺厓壁上慈容遠照城中可息火
 災西洋吉貝花肉厚而子少取其種徧栽中土則衣被
 之利廣乾隆辛亥鎮海樓災欣然走告予曰重建樓時
 若製大自鳴鐘於樓上俾城中士民知十二時蚤晏之
 節亦省會之大觀也其言雖迂闊然其
 切切乎民生利賴之計不可沒也已

豆腐絕句并引

歲焉將盡汪靜甫秀才來過寓館慰藉老夫因以槐
 堂先生近作詢之秀才便誦先生食豆腐絕句予適
 當飯亦有凍腐冬蟄之薦輒亦漫成四首

茅店雞聲板迹霜最憐菽乳曉成漿更看點就鹽梅手不羨

蓬壺軟玉方須收以鹽酸之味

凍腐冬齏各稱才聊能瓦缶一鳴雷當餐笑語沙鍋老合與

冰盞合傳來

李太白禮白岳記新安許文穆在中書遇拂意處輒曰我何舍我鄉沙鍋腐而戀此煤燒肉耶

欲爲冬齏作冰盞先生傳乃蘇易簡對宋太宗語也見宋人小說中

莫厭儒餐但糲粗誰堪面目向屠沽尋常不把葵菘芼也似

姑陽冰雪膚

滿地聞家店裏羹頽厨冰突任煎烹參差勿限雕盤味只有

黎翁不世情

老學菴筆記聞人滋嘉禾老儒也多藏書喜薦

腐羹店

又豆腐一名黎祁見放翁集及駢雅

隱泉

在南屏山小雲岫旁

沿緣岩岫間有泉自穴出其源最幽遂厥名表貞逸挂瓢此

爲宜盥耳有餘潔利世功難任在山意須決莫謾比池塘但

滋春草茁

兩浙輜軒錄卷三十二

五

吳象乾

字寅伯號月塘杭郡諸生穎芳長子

東郊土物分咏四首

白洋海蠶

白洋長尾螺族夥聚卑濕竹簍端入箕市同櫻筍集五味茱
椒鹽一竅利呼吸嗟爾細已甚染指亦相及

蒟蒻

蒟頭亦芋類大葉綠閃閃灰汁煮令熟冰凝淨無玷調羹配
豚魚甘滑可屬厭稻熟秋風涼錢村賣茆店

落麻

落麻古無稽名字載唐志郊行夾道長並與火麻利剝膚宵
不眠聚叢井成市緯布並索綯窮簷劇纖指

芥辣

吾腹病煩懣每飯不暇芥屑子調盞盞動飭神已快潔白道
所尙辛香士同介遂與莖桂流食單名共挂

徐堂字紀南號秋竹仁和

自序略曰僕少孤露且復善愁好爲詩歌惜以洵寫
懷歲丁卯游桂堂抗夫子之門議江聲設林諸老輩不
惜齒牙餘論獎借過當戊寅之暇始謁吳西林隱君于
東郭又復折節下交訂爲吟社僕雖疲駑前獲師資後
得友益拾綴登大雅之堂忽忽載計所作詩不下千
首丙戌秋索居無侶擇其言清託意之作得二百餘篇
釐爲二卷

鄒三章錫招遊北渚草堂看梅同用壁間顧月田先生

遲字韻

我與梅花似有期年年放棹肯教遲門前曲水通村市橋外
輕風颺釣絲晴雪不消將暖樹春烟畱在未開枝筍與明日
青山路拚倒山公白接離

路過蕪城邀開齋夫子就船小酌

撰杖旗亭近一年相逢愁思滿尊前無多鄉味瓶中酒小有
圖書江上船容易天涯爲倦客幾時間巷共高眠平山堂畔
堪遊賞催別匆匆倍惘然

訪西林隱君

沙河春水囑城堞行趁東風出近郊背市村氓音漸變隔江
山色翠仍交才看梅影橫籬竹未展桑陰壓屋茅欲識草堂
高隱趣擇腸書復手經鈔

子雲奇字京房律輸與先生細校讎禿管三千苦到榻破書
萬卷雪蒙頭多君自得義軒樂願我真同鄉苕流日暮更尋
烟外寺野橋東畔話前遊

周清懷

字虛谷錢唐諸生
著煮字齋吟存詩

自序略曰余少失怙有姑適于陳後攜表弟乾緯自金
間來與余同居姑于女紅之暇雅耽吟咏乾緯秉母教
幼卽善詩余乃相與習焉偶有所存亦自知其可笑爰
自謂之吟存後客定陽吳丈芑君索余詩出以就正吳
丈爲海陽查海餘先生高弟晨
夕相共者半歲餘頗獲益焉

徐大爰立繪桑者閑閑圖小照因自號曰桑者囑爲畱

題戲以桑字爲韻成長歌一章

我聞名世佐降靈在空桑我聞老氏徒著名傳庚桑我聞高
隱士卜居住柴桑桑者先生慕桑者十畝之園環之桑讀書
勤似維翰桑言利耻說宏羊桑胸羅今古吐高論可偕德操
同採桑使翁得時大展布何止有雉來馴桑乃心恬退樂畝
畝樞繩門華牖以桑芒鞢箬笠頗自得行行陌上看柔桑笑
與鄰人詒月令季春之月無伐桑綠葉陰陰詠沃若愛聽戴
勝鳴于桑任他吳蠶眠復起肯遂執官還求桑興來一曲寫

幽韻清音響發弦山桑古云子生射四方蓬以作矢弧乃桑
堪嘆軟紅空碌碌何事輕離梓與桑桑者閒閒葆真趣絕勝
羲和日捧紅日升扶桑

爰立請更以閒字爲韻再賦一章

閒閒真閒閒閒于心之閒世人求閒閒未易遂謂此生無可
閒那知求閒始閒仍未閒桑者悟此妙何須天許閒白雲無
心出巒岫閒人還擬如雲閒有時隨風作舒卷隨風舒卷雲
非閒素鷗忘機立沙水閒人更說如鷗閒有時窺魚思啄食
窺魚啄食鷗非閒有人賦閒居乃歎在居閒自謂爲政拙投
閒未安閒何如我桑者在在皆成閒空階偶竚立階亦因人
閒町畦偶獨步逢地何寬閒有酒卽醉無卽止豈必不放杯
中間余亦識閒趣爲翁歌閒閒爲翁歌閒閒無端拋却余生

半日間

周嘉穀

字寶之錢唐人監生雷次子著句餘書屋詩集

碧溪詩歸寶之履應順天鄉試不捷歷游幕府南北所主遠逾萬里性豪俠所得修脯隨手散盡年四十卒詩文稿多散佚其兄養之從別收家抄得之僅數十篇

郊行卽景

漫尋春去走春郊
屈指芳時三月交
冰韻乍流橋下水
鴉寒猶護樹頭巢
清明節怪農占雪
花信風愁屋捲茅
消受邊城如此景
江鄉真悔十年拋

村行夜歸

村路透迤暝色連
游踪乍與夜爲緣
樹奇於鬼來當面
車快如風去挾仙
山月上時三鼓近
竹籬疎處一燈穿
僕夫豈解憐清景
指點高城在眼前

挈眷歸省畱別用輜九來韻

高堂歲歲念游盤乍報歸期意已歡金盡尙多三宿戀累添
惟祝一帆安平時并食連厨爨今日隨陽各羽翰只爲思親
行莫阻折將秋柳涕闌干

李

恒

字敬持本姓鎮目舅氏姓李仁和諸生

碧谿詩話敬持居菜市橋東岸花斗甚自號東里余舊
居與東里矣軀相接年相若余常就傅光君欲令就東
里家塾東里爲人峻拒之余乃從學于沈耕寸先生習
舉子業嘗以所業質諸東里之師江立齋見東里儒生
執四書高頭講章問疑義不休逾十餘年同余以成賓
入邑庠既而南北奔走彼此各不相見已丑之歲始一
晤于學使院而東里厯歲特甚逾年冬北遊
竟卒京邸寡妻幼子梵梵相依可悲也已

曉發姑溪泊采石燕集太白樓卽用張古山贈別元韻
侵晨小雨濕行旌飽趣檣帆畫鷁輕醉我數番花有信送人
三起柳多情雲橫牛渚山光遠歌發江樓春思盈此別不須

重惻悵姑溪六月待酬觥

遊白嶽

山行我力疲看山我心忉况當積雨開入山清興洽歙州萬
山中青盞紛集樂白岳與雲齊奇峯天半插盤興仄逕行天
門劈石峽層層最上頭霜花落翠甲上有太素宮清淨脫塵
劫至今聽鼓鐘雲壇護寶法面峙香爐峯可指不可扱背張
紫玉屏森然列松篁五老環其旁高下宛相狎黃山露高稜
幾點勢先壓任意之所之陟險喜不貽石隙漱飛泉噴珠啟
簾押空外削巖風撲面心膽怯應接總奇觀蹲踞想陰憎久
住知緣慳暫遊亦意恰何當信宿畱庶可豁拘狹

晚上黃山宿雲谷寺

昔聞黃山足未經指點圖畫摩空形奇峯叢列三十六一一

高齋侵元冥我來齊雲看不歷道過山麓愁天暝列炬上山
逐同隊捫蘿歷險忘絕陁懸崖飛瀑千丈落昏濛不辨憑耳
聽氣喘足疲路愈遠欲上不上依危亭山人導我行轉怯林
端火彬飛星星旁有石壁忽偃立陰劈一徑張雲屏須臾漸
近雲谷寺空外不絕傳風鈴有僧出門迫我入如披雲帟開
重局飽飯上牀一睡足破曉直欲窮崢嶸仙掌蓮華紛莫數
天都戍削凌天青此山當作十年住顧略足可酌山靈不然
雲海從人說望洋浩歎同滄溟

溫廷鈞

字右衡號樵水
仁和副貢生

蔣師淵傳略曰樵水生及晬常啼置祖膝上季父世珍
讀書其側啼遽止遽鎮鎮為讀書狀已乃伊吾或聲年
十五入邑庠二十員千成均其學業始嗜詞賦久之取
六經三史條其疑義同里陳丈寅以窮經論史為業名
流就考問者日無虛於樵水交勛特厚年二十八病
心耗血卒卒前三日猶寓書陳丈論韓詩商頌說

湖上晚歸

湖光清淺雁初飛
霜葉紅黃疊翠微
游到深秋無熱客
行逢好景易斜暉
村童折柳穿魚去
衲子挑泉換米歸
於此時時得佳趣
今宵幽夢未相違

西湖采蓴曲

八月西湖湖水寒
踏歌聲遍采蓴船
不貪絲似雲鬟滑
却愛莖如釵股圓

西湖雪中泛舟

幾年夢想踏瓊瑰
舟重何妨亦溯洄
山腹停勻皆飽雪
枝頭淩潤欲肥梅
銜魚鳥起衝風退
撐傘人寒裹手來
耐冷尋詩休笑我
西南林壑實佳哉

章承茂

字佩九
仁和人

沈梅退園遺稿跋略曰退園亦號醒齋溫雅博洽多才
技天性純孝早失怙恃長懷孺慕遺家多故能自樹立
嘗遊五羊爲岡州書院院長又歷青徐諸處遇佳山水
及古蹟輒有題詠其詩滿闕雅多感慨積千餘篇手
自刪定三百餘篇退園既沒予援其尤者五十餘首錄
而藏焉退園爲翰林諱藻功孫庠生諱繼洵子初娶吳
南江第三女生一子未三歲而吳沒繼娶子三兄次女
三載而退園卒年四十二其詩中有先君子忌辰一首
可以觀其孝除夕寄兄一首可以觀其悌祝汪明軒一
首可以觀其誠詳玩其詩退園之素行慨可知矣子姪
女弱歸失所天光殆子立永矢靡他撫其孤不啻己出
子名尹猷今年十九齡憶退園卒于丁酉五月也今年
庚子五月已三周星矣
既錄其詩遂記之如此

除夕題壁卽寄培根家兄

又是韶光一度遷客窗孤坐聳吟肩傷心此夕名除夕轉眼
今年作去年柏葉暖浮新漉酒布袍寒戀舊裝縣鶴鶴原上
相思苦珍重郵筒半幅牋

先君子忌日

風樹含悲已四年年年此日倍悽然圖書豈敢忘先澤涕淚
空教灑遠天夢斷吳山雲縹緲愁深淮海雨連綿莼莩不是
尋常什千古傷心第一篇

舉園看梅

園舊爲嚴少司農別業有清較閣藏書萬卷
滄浪亭爲梅村吳先生題了公池宋先賢故

址也

城東步履問滄浪繞逕寒梅自在香韻落空齋人索莫夢回
殘夜月昏黃了公池畔蕭疎影清照樓前冷豔粧側側東風
誰是主獨畱春事傲羣芳

病夜書懷寄陳進士翼九

名鳳舉
錢塘人

遣愁時復醉春缸蓬梗生涯滯皖江幾杵晚鐘雲外寺一梳
涼月樹邊窗科名本借文章重貧病能教意氣降喜爾祖生
鞭早著龍文曾記筆同扛

胡允文

字彥士號容齋仁和人

沈梅畝藝經堂遺詩曰丁鶴峯作胡容齋小傳其略云容齋椒嶺土也居艮山沙河之濱貧甚落落不偶惟詩酒自娛嘗館穀于鹽官乙未秋遴略血疾辭歸明年卒年僅三十七不娶無嗣凡詩文稿若干悉破後母燬去此在驚峯處得畱

春陰

旌捲峭寒侵低簷暗不禁似人愁脉脉無雨晝陰陰
烟早花光隱樹深踏青期未果莫便有新吟

病中述感

懨懨支枕一春餘如此襟懷病那除自縛正如蠶作繭因人
寧免食無魚飽嘗辛苦仍爲客絕意功名未廢書漂泊年年
成底事思量真欲侶樵漁

留別同社諸子

杯盤高會卽離筵未唱驪歌已黯然酒散曉霜殘角後人行
紅樹白雲天了無長物爲家具漫說居山有靜緣同社羣公
倘相念郵筒莫惜寄詩篇

王樹芳

字蘭茂號香谷嘉興諸生著雪蕉書屋集

金劬元傳略曰先生初名芳字蘭佩號曰酣古生顏其

國初有諱庭者其先世也內閣中書諱又曾者其叔也八

歲應童子試郡邑皆目爲神童督學使者抑其才黜而

不錄憤甚適丁母憂棄舉游杭年逾弱冠先買妾宋

氏父喪復理詩書易今名與字始遊庠逾年補廩無何宋

心動復生二子亦偕殞赴鄉闈薦而不售者三又憤而棄

沒鄭生某被仇毆死其家受賄而隱先生聞之挺身自白

業有女某被仇毆死其家受賄而隱先生聞之挺身自白

其事鄭侯以滋事議其於役徒棄清有徐姑夫官樂清

投之鄭侯獨紡績自支役滿而徐罷官歸乃薦先生於大

荆陸守府幕中陸固鄞人由是往來四明雁蕩之間慕

賀季真爲人因改名起章字師賀續號曰鐵禪時先君
亦官大荆與先生交厚後先生返故鄉先君移官四明
爲劬元延師乃招至四明且以先生乏嗣勸攜眷來署
居二載而鄭沒爲之厝葬立兩從姪爲嗣後皆背而他

往迨先君陞任金陵先主偕行乾隆丙午四月卒于江
寧官舍年五十有三先若亦旋沒幼元遭大難中扶師
樞奔兩嗣子不納乃歸殯於金華先生性嗜酒仗義有
襟慨風爲文豪情古宕下筆有神詩耽苦吟每得奇句
樂以忘憂餘事及於音律篆刻或作山水小植及行草
書皆不自炫人有乞之者笑曰余不能爲人脯耳所著
有雪蕉書屋集酣古吟集雙桐軒集咄咄吟集知命集
五排應新制集味物集天繪樓詩餘集至于四書考誤誌
異編續新艷異編錄禪記遊編續續買愁後編及吳歌續
唱鄒宋閨中唱和集皆燬于火今所存者詩集四本與
制藝百餘

篇而已

碧谿詩話香谷詩琢句精鍊一二語中能達其性情五
古如飲酒吟云我非真飲酒不過驅愁爾及至酒醒時
愁仍懷緒起畱別蘭江諸葛莫谷云人以道義交革薄
誼斯厚紛紛世上人不淡自不久新竹吟云此君一拔
塵氣樂便不俗溪邊柳云呆雲壓天玉屑削玉人駭報青
古如至西湖逢大雪云杲雲壓天玉屑削玉人駭報青
山老清明用杜少陵韻云佳雲壓天玉屑削玉人駭報青
雖遠疎題姜肅雲畫山水云有形成山無形水尺幅繚
紗千餘程七律如清明郊行云連天火燭催花雨竟日
人吹擘柳風春夜思家云酒入恨腸應作淚春生孤枕
不成眠九日登九峯山云海闊天連雲母影用漁秋熱
稻孫香秋夜獨坐云明月圓靈明且清涼風肅穆聖之

清苦雨望晴云天難破涕花爲笑人強吟詩鳥不啼之
金陵重過嘉興云人到故鄉仍是客身如孤燕久無巢
燕子磯望江云眼底金焦分遠近潮頭日月遞升沈清
明口占云怪他溪畔柳青眼笑我客中人白頭並才雄
筆爽可想
見其平生

三月十八虎阜舟次醉後放歌呈茅湘客先生

天公快送風一掌急喚艣公鼓烏榜深春縱阻北寺遊晚日
要泊西溪上連宵雨足今宵晴月缺尙有行人行花枝照水
儘綽約柳條跪地多風情坐中詩老頭盈雪暗訴當年淚如
血苦吟頻聳鬚鬚肩顧曲催調鸚鵡舌十度山塘幾見桃繁
華剩有松花飄生公石上初停雨伍相祠前欲落潮潮平舟
靜春方美好囑廚娘羅脆旨人饌因知鱸有魚擷蔬那用菹
充杞矧復殷勤勸舉觴珠璣錯落萬千行浣花牋寫元和體
碧玉盃浮琥珀光難得浮生常聚首閒情輸與漁家婦打鴨

東坡詩集卷三十二
輕迴曲曲腰籠鵝徐動參參手有幾風光足了期蓬飄萍泛
易乖離當筵翠黛含情淺異日滄江覺夢遲夢闌酒醒燈垂
帶逕處佳遊剛一瞬皎潔雖慚韓李雙痴顛應惜韶華寸茅
翁茅翁情孔殷來朝擬討西山春楞伽寺裏覓遺碣縹緲峯
頭踏亂雲

甲辰歲朝作

歲改臘因循荒城殢遠人問年過五十紀歷恰三春命是一
壺酒家惟六尺身梅花香夢裏清欲斷紅塵

秋日有甌友來訪始偕遊烟雨樓

幾年不泛鴛鴦水此日重登烟雨樓五六箇人千里客兩三
行雁一天秋滿池荷葉銷青鏡隔岸蘆花露白頭只願飢寒
慢驅我來春還擬挈朋遊

鴛鴦湖權歌

名樓都說雨含煙煙借村廬雨借天
瑟瑟蘆花播兩岸棹歌船卽打魚船

沈

度

字師度號天橋居士仁和人

題憩龍堂壁

有客尋蕭寺閒行枕碧流
山幽傳萬籟興至喜三秋虛牖涼
颺入炎威衆木收我知龍憩穩高臥更無憂

陳景福

字履百號石泉錢唐人著舒懷集

碧谿詩話余節江氏靜寄東軒石泉與余共晨夕者九年癸巳七月疾卒年三十四性耿介取子不苟手編祖父伯叔遺詩曰越川家集又重編家乘甫編成而疾革著詩數十篇皆十年來所作不假雕琢而頗出新意自定爲舒懷集余爲錄附家集後

藏扇

太息團團扇驅炎藉爾勞相依經日久分手爲時遭憶舊有
同感養才須暫韜多情寓微物慷慨屬吾曹

石筍

登嶂重巒瀛幾層抽芽豈必待時乘在山何意來塵市出地
無心向老僧似竹一林皆挺拔此君千載總峻嶒任他霜雪
頻磨折瘦骨珊珊不掩棱

寄泰園大兄次逸樵弟韻

性懶常疎客蓬門竟閑然懷人及秋杪落葉滿窗前雲水淡
無際窮愁邈各天淩霄看振羽蕭寂歎年年

首夏朱朗齋自海昌歸出示重登鎮海塔詩索和卽次

其韻

昔年曾共江樓坐幾度飛觴候夜潮東海浮槎懷壯志迴塘

登塔負佳招人羈塵事身如縛夢歷烟波路不遙吟罷君詩
味餘韻小窗孤影嘆蕭條

再寄逸樵仲弟

江天一臥水雲寬異地鶯花獨自看別後無書非忘汝年來
有病只求安湖山曳杖悲陳迹風雨聯牀憶舊歡逸樵叔館
靜寄東軒
常得與主人共追湖山之勝自入楚
後主人卽世風流雲散不勝慨然
髮禿漸如韓

趙應鑰

字貢三號恒
齋仁和諸生

滌硯池放魚歌

滌硯池水碧于油疊石磴礪島嶼浮朱鱗火蠶誰蓄得咫尺
直是濠上遊一寸二寸不勝數圍圍洋洋忽已悠活之只此
升斗水引之那用珊瑚鉤臨風舒錦碎作浪餘霞成綺落處

流墨波如雲足吞吐杯筯有洞恣探搜我來觀魚得真趣應接不暇繞四周高誦南華秋水篇一笑問君知樂不

子午蓮

花才貼水葉田田占得方池也號蓮子夜月明籠薄霧午風日暖帶輕烟一般欲語嬌無力分著新粧我亦憐試問北窗高臥者遠觀藝玩不知年

張曰基

字栽軒仁和人

朱文藻曰乾隆丁亥歲栽軒與余同館於振綺堂汪氏時當盛暑曝書樓頭栽軒感暑喉間噴血而暈自是不起篋中藏得一詩今檢錄之

秋懷

弱體偏多病秋來強自持蕭蕭生寂寞聊寄一篇詩

朱文鎰

字殿揚號逸菴仁和人

朱文藻傳略曰兄本金氏子父客死河南朱仙鎮兄時
弱齡先君撫之成立嗣二伯父爾和公後謀經授室年
既壯先君命往尋父骸歷歲久遠賴有逆旅舊主人存
指厝所則河澗土湮樞無所得而旬哀號禱于神靈有
術者能圓光視光中現出埋柩形勢乃髣髴其處掘地
得骨滴血竟驗負之歸後買地先塋之右葬焉鄉黨誦
其孝府志有傳兄性聰慧大伯父孔明公能醫略一指
授兄卽析其理舉家疾病賴之余年十三四學爲詩兄
與俱和未嘗學也吾師沈耕寸先生舉培
風詩會兄與焉年逾五十竟貧苦以卒

秋風

閃爍孤燈計欲遮寒欺庭樹幾枝斜吹醒茅店不成寐顛亂
蘆洲初放花數點飄來中夜雨悲聲引起暮城笳綠知肅殺
行金令太息風前憶物華

秋雨

灑入疎林韻頗幽濃於玉露綴枝頭滴殘梧葉空堦冷濕膩
天香一院秋夢後忽驚頻漸瀝愁中獨聽愈綢繆那堪催促

天涯恨夜半乘風到客舟

錢江秋渡

白雲回首望江城去矣中流鼓柁行寒雨重陽先應節孤村
紅樹獨關情蒹葭自結伊人想鴻雁還爭越客程此日側思
張掾意臨風應已憶尊羹

沈紹湘

字冰篁號玉屏會稽諸生

碧谿詩話越有玉屏山在城南臺閣場沈氏始祖南山
公居之成族歷九世爲王父赤芝公適兵革避居武林
東青巷巷故南宋東青門舊址也玉屏山爲先世廬墓
所在故卽山自號而名其詩集則謂之東青草堂云余
與玉屏昆弟同受業耕寸先生之門性慧能讀書餘人
沒家竟貧食指浩繁束修所入常不足妻孥環坐勸女
紅以佐之家居與弟菊人敬慕傾論詩不輟朋舊過訪
卽以所食共饌之客辭則對客且食且談里巷多嘆笑
也勿顧

八月望後陪耕寸夫子及嚴鏡橋弟菊人東郊晚步分

得如字

東皋景物近何如結伴閒探步自徐欲暮斜陽光黯淡經秋
古木影蕭疎閒身似水流仍止悶抱如雲卷暫舒不厭苦吟
留滯久涼風習習颺輕裾

燕剪

春社來雙燕翩翩西復東低斜頻掠水下上慣裁風舊壘尋
朱棟香泥得碧叢十年常傍戶踪跡正相同

乙酉初度

我生幸作太平民終歲惟將汗簡親蒲柳質逢秋漸敗桂薑
性到老逾辛敢希天地常容拙却幸妻兒慣忍貧四十年光
彈指過蓼莪一誦一傷神

沈

萌

字遇春號菊
人紹湘弟

碧谿詩話菊人年十一學文十五學詩性落拓不喜治
生曰惟耽吟且嗜酒飲醉輒吟拾殘紙信筆塗之高歌
數過稿隨焚去娶妻潘飢寒不保益縱酒以消抑鬱久
而成疾甲申三月嘔血數升而卒年纔三十所爲詩無
存本玉屏往于舊書敗壁間得其殘稿錄爲一編

東郊晚步

風緊天高氣已秋閒郊景物足勾留行依草徑懷先曠吟過
溪橋興轉幽殘照浴紅秋水亂雲堆白遠山頭晚來小徑
松陰裏斜見漁竿插小舟

秋寺晚鐘

晚鐘辭古寺隱隱落江楓暮靄一時散清音到處通人歸村
舍靜雀噪野田空新月柴門下悠然聽未窮

霜菊

九月霜華草樹侵獨餘寒菊綴疎林寂寥名士秋清意珍重

佳人歲暮心耐冷幽香憐晚徑綻金濃豔愛輕陰興來誰送
王宏酒靜倚東籬得滿斟

施

析字慕白錢鼎諸生

朱文藻曰蔡白爲余女夫之叔工書善詩困於場屋
幕遊粵東數年歸客天長恨石明府署未幾病卒

咏七出蘭

何春巢寓雒城所居靜者軒秋蘭盛開中有七出者

繪圖徵詩

天與芳心似有私宛如六一好丰姿香分楚澤初紉後花放
銀河朝渡時寫韻應須推柳永裁詩誰復抗陳思七絃爲譜
猗蘭操說與靈均恐未知

重九前三日李友霞之羊城述懷贈別

風流爭比杜樊川煙月吟懷寄畫船蓮幕今纔通未契蓬窗

昔已結詩緣丁酉夏余至潮曾於六蓬船中題詩三首後友霞來部交情似水三秋澹別緒如絲九日牽惆悵湘江門外路西風催送片帆懸

七夕悼亡次李義山七夕詩韻

誰知死別卽生離不及神仙會有期卿在九原思我日我當七夕哭卿時鼓盆難作忘情語彈鋏還嗟見事遲遙憶總帷明月下飄零遺挂冷蛛絲

己未元日以朝元端硯一枚元寶茶船二具贈朱朗齋親家爲致新歲吉語朗齋酬以詩卽次原韻和之

硯田茶具未堪珍只抵銀罍彩勝陳漫說文章憎命達由來詞賦可周貧餐惟菽粟書中產老作芙蓉鏡下人珠玉見貽詩格細筆花爭與歲華新

懷王荻觴羊城

嶺南同作客往歲共言旋又訂重遊粵臨期各著鞭

今秋與荻觴相

訂重作粵遊須行時余以應根石明府之招不果日斜揚子渡春暖蠻人船相憶情

難盡離愁寄遠天

陳世鏞

字芥角仁和人

關草

時節勝喧妍繁英媚晴吳遊子惜春華美人愛芳草續紛綺
席陳雜迨羅衣繞摻手映柔莢一色呈美好爭誇名品貴其
賄采摘早珍芽與翠甲處處勤折拗檢點除艾蕭搜求到萍
藻行愁闌檻紆兜訝裙袂小倖勝起象譚慙輸露微惱不知
芳歲闌豈識紅顏老日晚倦嬰遊香逕歸悄悄

陳世良

字楚山仁和人世鏞弟

辨香吟會各詠同姓詩人賦得明簡討公甫憲章韻用

楚字

道人畏炎炎與世常齟齬黃犢尋溪山藤蕨飽風雨栽芋行
荒園燒松下平楚意超造物表餘子焉足數論詩主性情亦
貴風韻舉如何稱二妙遂欲兼邵杜東西分食餉要是欺人
語風烟水月間落落具機杼不見弇州生晚節最相許謾云
道學宗斯人已千古

范世琦

字景韓
仁和人

辨香吟會各詠同姓詩人以己之某甫爲韻賦得宋隱
士茂明浚用景字

世治諱高隱世亂見骨鯁宋衰秦佞生忠直罹災眚先生賢
良節抗志不入境傳著嚴陵操行止時爲景履虎嗔人凶卽

鹿走陷穽所以幽人貞占吉香溪冷

朱

喬

字南有仁
和貢生

辨香吟會各詠同姓詩人賦得元提舉澤民德潤韻用

有字

夫子秉奇尙前身鬱林守山水蟠心胸筆落包衆有當其快
意時造化若在手計載門杜居孤吟欲無偶看梅憶坡仙吹
笛感江叟理到詞不凡新詩滿人口畫事掩其名斯言竟然
否三歎懷清風金石詎云壽

蔡

源

字諸川號羣
烏仁和人

柳絲

春雨細如絲春風颺柳枝可堪花撲面其柰酒盈卮人去愁
仍繫庭空影乍移更勞縈曉夢千里有佳期

初夏山居雜興

孟夏景物佳山居有餘清綠林森已布黃鳥間關鳴牕中黛
色淨枕畔松風聲雲峯互稠疊蘿月澄虛明僮僕半麋鹿盤
餐間芝藟了無區中緣遂此物外情谷口非所慕武陵空強
名窅然元豹姿永與烟霧并

初春紫陽寫望用石壁舊韻

海國眺頻賒春陰鎖萬家嵐光浮檻出江勢抱城斜遠眺隨
南雁春愁在落花沉吟忘薄暮嶺外散餘霞

岳

潭字湘庭
錢塘人

朱文藻曰湘庭爲忠武王
裔孫居西湖葛嶺之麓

初春紫陽寫望用石壁舊韻

瀟瀟城南望誰當此繫家尋詩松逕曲點筆石闌斜返照明

疎竹融風發野花
鬱塵自茲遠不必訪烟霞

孫基

字在錫號愛白錢塘茂貢生治元孫

未伏日用文與可夏口書墨君堂原韻

秋風已生桂涼色漸可入小年
忍若除脉脉安吾身吾身與
秋宜適居秋潭濱吾身思納爽
時復岸吾巾天上河漢濶今年
鵲渡頻

時間七月

人間二難并賢主而嘉賓銷夏得神契畧迹

存其真何以樂朝夕歌詠歡相親
茲當伏之末幽齋澹高辰養生
竟靈藥應有明窗塵

自詩彷彿明窗塵注云丹砂妙藥也

天南星

偶繙藥譜測天經
愛此嘉名協壽星
梗直不扶齊渭竹
葉生一瓣紀堯蓂
生來下土圓如顙
飛出寒芒白似螢
試刷松苓和朮煮
那須蛇虎鍊真形

子午蓮

花放疑淺子午泉泉中浮出小金蓮生來不愛霞裳艷淡著
嬌黃學水仙

金耀辰

字北瞻號桐巢仁和諸生

友人惠梅移栽得活口占誌喜

孤山處士忽遷居却值甘霖兩日餘柯葉全然無改色天公
厚意亦憐渠

休論南枝與北枝高人何地不相宜從今耐過冰霜後結實
調羹會有時

友人惠貓

斑斑虎舅逞威嚴貓名虎舅見詩白注聲價應酬萬貫嫌張博家貓名萬貫見
記堪笑貧家無聘物山谷詩買魚小詩聊代水晶鹽

兩浙輶軒錄卷三十二

兩浙輶軒錄

卷三十二

金瓶梅

全